




Ami Nepen.

Boals. Nollang Sacul


C. Neofian. 2969

(2000)



*Gussit Septem diebus conuiuium
præparari in vestibulo hortj.*

Estor. C. i.



SACRA
MYSTARUM
HEBDOMADA,

Sive

QUOTIDIANA

PRO

SACERDOTIBUS

piè celebrandi,

SEPTENARIA VERÒ

PRO LAICIS

devotè communicandi

FORMULA,

Sacris è Litteris, Patribusque

COLLECTA

à

R. P. CAROLO SERVINO,


Societatis JESU Sacerdote.


NOVA EDITIO.

Cum Facultate Superiorum.

AUGUSTÆ VINDELICORUM,
Typis Mariæ Magdalenæ Utzschneiderin,

M. DCC.





CHRISTO JESU


Servus humilis.

CUM tuam dignitatem Domine, & meam vilitatem penso, valdè contremisco, & in meipso confundor. Si enim non accedo, vitam fugio; & si indignè me gesserò, offensam incurro. Quid ergo faciam, DEUS meus, auxiliator meus, & consiliator in necessitatibus? Tu doce me viam rectam, propone *breve aliquod Exercitium Sacre Communioni congruum*. Utile est enim scire qualiter, scilicet devotè ac reverenter tibi præparare debeam cor meum, ad *recipiendum salubriter tuum Sacramentum* seu etiam *celebrandū* tam magnum ac divinum *Sacrificium*.

Imit. Chr. l. 4. c. 6.

*Qui
timent Dominum, Prae-
parabunt Corda Sua.*

Ecc. 2.



*Et ego Sagittas mittam iuxta
eum et jaciā quasi exercens
me ad Signum.*

Reg. C. 20.



IN

PROPOSITAM

SACRÆ MYSTARUM

Hebdomadæ.

DELINEATIONEM

Septenarium distichon.

1. *Quid Septena volunt in cordis imagine signa?
Quid canit hic medius lucem micante Calix?*
2. *Scilicet ista notant varios pro tempore motus,
Quos pia mens festo gaudet habere die.*
3. *Tales ipsa fovet Mystarum turba sub imo
Pectore, cum divas suscipit ore dapes.*

A 3

4. Nam

4. *Nam corde 1. atteritur. 2.
purgatur. 3. lucet, 4.
& ardet.*

5. *Compatitur. 6. Moritur.
7. jungitur inde DEO.*

5. *Ergo per hæc si vis conjungi
vincula Christo,
Disce modum, parvus quem
docet iste liber.*

6. *Parvus mole liber, Scriptoris
nomine parvus,
At finem illius respice, mag-
nus erit.*

7. *Finis hic Hebdomadæ Sa-
cræ parvique libelli
Finis hic est unus, Gloria
magna DEI. (a)*

(a) *S. Ignatius Martyr ep. ad Eph.
Eucharistiam vocat Gloriam
DEI.*



SACRÆ MYSTARUM

Hebdomadæ

totiusque Formulæ

SYNOPSIS.

PIO LECTORI.

ECcetibi, *mi Lector*, Si tu quidem Sacerdos, *Quotidiana piè Celebrandi*; fin autem Laicus, *Septenaria devotè Communicandi* FORMULA facris è Literis, Patribusque collecta, in quæ septem *Exercitia juxta septiformem Animæ* 1. *Pœnitentis.* 2. *Purgatæ.* 3. *Illuminatæ.* 4. *Amantis.* 5. *Patientis.* 6. *Morientis.* 7. *Unitæ-DEO* statum, tibi sic proponuntur, ut five Laicus sis, five Sacerdos, certè quidem *Myſta*, hoc est latinè,

1.
mate-
ria.

facra discens, vel mysterio-
rum peritus, indè præcipuos
virtutum actus possis elicere,
ex ipsa quasi *Materia* seu
contemplatione Generalium
septem.

Patris Æterni Beneficiorum.

1. Creationis. 2. Conserva-
tionis. 3. Vocationis. 4. Ju-
stificationis. 5. Redemptio-
nis. 6. Electionis. 7. Glori-
ficationis.

Incarnati Verbi Officiorum.

1. Patris ac Nutritii. 2. Re-
gis ac Domini. 3. Pastoris
ac Magistri. 4. Convectoris
ac Dilecti. 5. Adjutoris ac
Medici. 6. Comitis ac Judi-
cis. 7. Præmiatoris ac Sponsi.

Spiritus sancti Donorum.

1. Sapientiæ. 2. Intellectus.
3. Consilii. 4. Fortitudinis.
5. Scientiæ. 6. Pietatis. 7. Ti-
moris Domini.

Hinc

Hinc autem elicitos actus exercere poteris *hâc Formâ.* I I:

Ante Missam quidem 1. per *Excitatoriam*, dum surgis è For-
ma. lecto, *mentis Aspirationem.* 2. Per *Invitatoriam*, dum vocaris ad sacrum, *animi Considerationem.* 3. Per *Inflammatorios*, dum accedis ad altare, *cordis Affectus.*

In Missa verò per *Jaculatorias* septem preculas facularum instare vibratas. 1. Sub initium, ad modum *Purgativi Gemitus.* 2. Circa medium, ad modum *Illuminativi Desiderii.* 3. Sub finem, ad modum *Unitivi Suspirii.*

Post Missam denique 1. Per *Vocem Landis* cum Coelitibus cantatæ variam. 2. Per *Gratiarum Actionem* Æterno Patri redditam, & *Oblationem* Christo Domino factam, pro-

positumque Spiritui Sancto juratum. 3. Per septem Petitiones ad SSS. Trinitatem directas, & interposito SS. Patronorum suffragio transmissas favente Maria.

Quod si hæc Formula nostræ Forma, tibi, mi Lector, videatur longiuscula, memineris te, uti monet B. Magdalena de Pazzis, opus maximum, quod in orbe fieri potest, cum DEUM suscipis, peragere; nec ullum esse in tota vita tempus, pro consequendis gratius pretiosius, quàm suscepto Christo Evcharistico, cui nos purificare, illuminare, & sanctificare volenti, subtrahere non debemus; ne fortè, vel impio assimilemur
Judæ, qui acceptâ buccellâ
Continuò exivit; vel præsentē
adhuc hospite, domo egredia-

Ioan.

6.13.

diamur, & ad alia negotia
 præproperè nos furripiamus;
 præsertim cùm eo nos *Fine* <sup>III.
finis.</sup>
 Dominum suscipiamus, ut
 per optanda gratiæ, virtu-
 tum, ac meritorum incre-
 menta, nobis primùm, de-
 inde proximis impetremus à
 DEO *Sacrum hoc Septenarium,*
 videlicet. 1. Orationis Do-
 minicæ septem Petitionum
Effectum. 2. Angelorum erga
 nos septem Officiorum *Substi-*
dium. 3. Misericordiæ sep-
 tem Operum *Exercitium.* 4.
 Ecclesiæ septem Sacramen-
 torum *Fructum* cuique con-
 gruum. 5. Capitalium sep-
 tem Peccatorum *Trophæum.*
 6. Evangelicarum septem
 Virtutum *Studium.* 6. Sancti
 denique Spiritus septem Do-
 norum *Complementum.* ^{IV.}

Par fini respondebit *Effectus* ^{Effectus.}
Ans.

Etus, DEO dante, *septenarius*, fructus, inquam, pietatis in SSS. Trinitatem, cuius hic una gloria spectatur. 2. In Hominem-DEUM *IESUM Christum*, cuius vita, mors-que recolitur. 3. In Sacro-sanctum *Eucharistie SACRAMENTUM*, cuius præcipue cultus intenditur. 4. In B. *Virginem Mariam*, cuius patrocinium imploratur. 5. In SS. *Angelos*, præsertim *Custodes*, quorum officia recensentur. 6. In reliquos *Beatos Cœlites*, quorum suffragia ambiuntur. 7. Denique in omnes *Christi fideles* tam vivos, quàm *moribundos*, atque *defunctos*, pro quibus hîc oratur.

V.
Titu-
lus.

Sed cur ipso *Titulo*, Formulæque totâ *sacrum* affectatur *Septenarium*? Quia nimirum celebrando sacro *Mysterio*
fa-

facer hic est, & *Mysticus* in
Scriptura sacra numerus; præ-
sertim ubi de sacrificiis agi-
tur. Sic enim ibi legere est.
Septem diebus expiabis altare.
Septem diebus consecrabis manus. *Exod.*
Septem diebus offeretis sacrificium.
Septem diebus comedetis azyma. *Levi.*
Septem diebus celebrabitis ferias,
Septem diebus dedicavit altare. *Para.*
Septem diebus solennitatem fecit.
Hic omitto septem panes,
septem tauros, septem vitu-
los, septem agnos, septem
buccinas, septem lucernas,
septem choros ante Arcam;
de quibus & aliis eiusmodi
septenis passim ibi fit mentio
ad singularem huius *Septenarij*
commendationem. Quem
quidem numerum nos quo-
que profecuti, *Septenis Mysta-*
rum Exercitiis, septenum cum
Emblemate septeno septenis
Di-

Distichis expofito , nec non *Exemplis* illustrato , *Preludium* indidimus , feptenasque *Evchariftiæ* à SS. Patribus colaudatæ *Reliquias* fepties fepteno *Carminè* colligatas iisdem subjunximus , & hoc uno jam *distichis*, tibi *Lector*, præmonſtramus.

Evcharis una mihi. 1. Cibus eſt.

2. *Fons.* 3. *Lumen.* 4. *Et Ignis.*

5. *Victima.* 6. *Vita.* 7. *Salus:*
Cætera dicet amor.

VI. usus. *Uſus* porrò *Formulæ* non unus eſſe debet , ſed varius , pro vario *Communicantis* affectu. Nam modò juvabit *Exercitium* ferè totum legere ; modò ſufficiet una duntaxat illius particula , quâ velut excuſſâ ſcintillâ concipiatur *Ignis Holocauſti* , totusque cordis inflammetur affectus. Et

Et ne qua satietas ex uniformitate quadam Exercitii fortè animo subrepat, septena ipsa varietas poterit hoc modo *Variari*.

Novus quotidie seligetur *VII.*
unus è Cœlitibus Patronis *Vari-*
v. g. die lunæ S. Angelus Cu- *atio.*
stos, quo duce te ad Synaxim pares. Novum item
quotidiè proponetur unum
Invitatoris Considerationis punctum, quo piè motus accedas. Novum denique sumetur de positis *Affectuum Incentivis* unum, quo tuus in Christum, ut Patrem, ut Regem &c. Debita cum reverentia suscipiendum, animus inflammetur. Ad extremum idem *in Missa* & post *Missam* cum proportionem præstabis, ut sic novo quotidie pietatis sensu in Domino Deo tuo lætificeris. *Vale.* *AD*



AD

EXERCITIUM I.

SACRÆ MYSTARUM

Hebdomadæ.

DIES PRIMUS

DEO. O. M. & SS. Angelis

CONSECRATUS.

A Nimæ pœnitenti, cui primus in via spiritali gradus est odium & fuga peccati, primum hoc proponitur Exercitium, ipso die Lunæ, remissioni peccatorum vivis æquè ac defunctis impetrandæ sacro, vel alio quovis, ubi de S. Angelis fit aliqua mentio, peragendum, ut cum affectu doloris & confidentiæ filialis accedat ad Patrem Eucharisticum JESUM Christum, qui pro sua bonitate pec-

peccatores olim prodigos,
nunc pœnitentes filios pater-
no excipit convivio, Angeli-
co reficit pane, suo cibatur cor-
pore, & eodẽ quasi antidoto
cœlesti reparat, ac sustentat.

Ad hunc igitur finem ut
Mystra perveniat, septenario
illo, quo de suprà dictum est,
procedit gradu. Ac primò
quidem in Emblemate se-
quenti sibi graphicè depingit
pœnitentis Animæ Synaxim.
Sicut enim Mustella rutæ
succo pasta, contra serpentes
valet; sic anima, suscepto ri-
tè Sacramento, contra suæ
salutis hostes prævalet. Nam,
ut ait S. Cyprianus: Sacra-
mentorum Communicatio,
per quã Christi Corporis sin-
ceritati unimur, nos in tan-
tum corroborat, ut de mun-
do, de diabolo, de vitiis ipsis
victoriâ potiamur.

*serm.
de
Nat.*

IN



IN SYNAXIM
ANIMÆ POENITENTIS
Septenarium distichon.

1. **H**eu ego peccavi ! Dens ô
tua numina læsi !
*Abpudet ! ab sceleris pœni-
tet usq; mei !*
2. *En pertæsa mali sacras proster-
nor ad aras,
Et propè deficiens , præda
paror colubris.*
3. *Aspicias , Alme Parens , non
uno vulnere læsam !*
Aspi-

Aspicias, & misera jam miseratus ais.

4. *Surge age, sume cibum, tibi
cor reparatur ab esca.*

*Nec Mora; surgo, epulor;
cor valet, atque viget.*

5. *Ut Mustella fero colubri violata
veneno,*

*Ruta, quam comedit, vi re-
parata valet.*

6. *Sic reparor, valeoque Sacris
mens prodiga quondam,
Reddita nunc patriis edi-
bus, atque cibus.*

7. *O Sacra Ruta meo dudum quæ-
sita dolori?*

*Sis medicina meæ, visque
salusque animæ.*

EXEMPLA.

Sic D. Augustinus olim
pœnitens ante aras ge-
mebat, suæque delicta ju-
ventutis ad Sacra quotidie de-
flebat. Sic

Sic B. Ignatius de Loyola in secessu Manrezano, repetitâ post cruentam flagellationem, peccatorum exhomologesi, sacram ad Synaxim accedebat. Sic B. Magdalena de Pazzis S. Magdalenam Pœnitentem, & Martham eius sororem in excipiendo Christo sollicitam imitabatur. Nihil non agebat, ut Domino gratum pararet in corde suo convivium. Illi dolor & lachrimæ, timor & fiducia, puritas, & charitas, cæteræque virtutes inserviebant. Per diem ita disponebat reliqua, ut omnia exercitia nihil aliud viderentur esse, quàm præparatio ad Communionem, ex qua mirabiles illos, quos legimus in eius vita, fructus percipiebat. Hæctū quoque, Myſta, quisquis es, imitare.

EXER-



EXERCITIUM I.

ANIMÆ POENITENTIS

Ad DEUM & Hominem

JESUM CHRISTUM

*ut Conditorem, ut Patrem
ut Nutritorem*

EVCHARISTICUM

ACCEDENTIS,

*Per affectum doloris &
confidentia filialis.*

ANTE MISSAM

EXCITATORIA

Aspiratio.

MATUTINO suscitatus è
 somno cõverte protinùs
 ad DEUM mentem, & ad An-
 gelum Custodem tuum, ita
 tecum loquentem:

Sur-

Act. Surge velociter, circumda tibi
c. 12. vestimentum tuum, & sequere
 me.

Nec mora; surge, indue
Luc. te, & cum pœnitente Prodi-
 go sic aspira:

25. Surgam & ibo ad Patrem me-
 um, & dicam ei; Pater peccavi in
 cælum & coram te.

INVITATORIA

Consideratio.

AUDITO ad Missam cam-
 panæ pulsu, *Considera te*
 vel calamitosum peccato-
 rem, vel inobsequentem Fi-
 lium, vel ingratum alum-
 num, à Christo tuo beatissimo
 Conditore, indulgentissimo
 Patre, benignissimo Nutrito-
 re, per S. Angelum Custodem
 tuum, aut alium è Patronis
 Angelicis unum, non ad me-
 ritam pro tot criminibus vin-
 dicationem, sed ad paternum il-

illud Convivium, in quo Angeli DEI gaudent super uno peccatore pœnitentiam agente, benevolis his vocibus invitari:

Zachæe, festinans descende, quia hodiè in domo tua oportet me manere. Luc. c. 19,

His imbutus cogitationibus pete sacram ædem, ibique jam motum pœnitentiâ tuâ Patrem filiali confidentiâ sic affare.

INFLAMMATORIUS

Affectus.

1. **P**ATER, peccavi in Cœlum, & coram te; jam non sum dignus vocari Filius tuus. Tu tamen misericordiâ motus prævêis me gratiâ tuâ, accurris in amplexus meos, & oscularis me. Nec fatis. Abluis me pœnitentiæ lacrimâ, induis me stolâ primâ, excipis me

*Petr.
Cell.
l. de
pan.*

me mensâ tuâ, epularis mecum & gaudes, quia perieram, & inventus sum. O paterna viscera! ô mensa visceribus misericordiæ plena!

Aug.

2. Eia! mi Conditor, ecce aruit cor meum, quia oblitus sum comedere panem meum. Sed oro te, post oblivionem veniat commemoratio; manducetur à me panis de Cœlo, ut anima mea de te vivat DEO meo. Dum enim caro Corpore & Sanguine Christi vescitur, anima de DEO suginatur.

*Ter-
tul.
de Re-
sur.*

3. Nunquid oblivisci potest Mater infantem uteri sui? Et certè, si illa oblita fuerit, tu Pater promifisti te non oblivisci. Ecce clamo, & non exaudis me; dolore crucior, & non consolaris me. Quid dicam, vel quid faciam

ciam miserrimus? Da mihi
Filiū tuum, alioqui moriar.
Quomodo enim possum vi-
vere sine vita, sine JESU cor-
de meo, sine Christo cibo
meo?

4. O Christe Nutritor &
cibus meus! ecce tu quasi *Hier.*
Nutritus Ephraim declinas *in O-*
ad me peccatorem, deferens *seæ c.*
regna Cœlorum, ut mecum *11.*
vescaris assumptâ formâ ho-
minis, mihiq̃ue das esum
Corporis tui, ipse cibus &
conviva. O cibus! ô convi- *Aug.*
va! quis mihi dabit, ut venias *l. 1.*
in cor meum, & inebries il- *c. 5.*
lud, ut obliviscar omnia mea *Conf.*
mala, & te solum amplectar
bonum meum?

5. Memoriam fecit mira- *ps 117.*
bilium suorum misericors,
& miserator. DOMINUS,
escam dedit timentibus se.


B

Sed

Aug. Sed quam escam? Carnem
Psal. suam. Certè nemo talem
 110. escam daret, nisi misericors,
 & miserator Dominus.

Psal. 6. Potum meum cum fletu
 101. miscebam. Potus meus, Chri-
Bern. sti sanguis; fletus meus An-
 in gelorum vinum; hoc cum il-
 6ant. lo mistum, quales delicias a-
 nimæ, quale gaudium Ange-
 lis parit? Ite igitur, ite nunc
 lacrimæ meæ, perfundite la-
 tus illud, unde exivit sanguis
 & aqua. O ibi quàm dulcia
 miscebuntur pocula! quanta
 gaudia pœnitenti!

Job. 7. Antequàm comedam, su-
 6. 3. spiro, panis videlicet Angeli-
Aug. ci desiderio. Dominus enim
serm. Angelorum factus est homo,
 13. de ut panem Angelorum man-
temp. ducaret homo. Panis Ange-
 licus fit Panis hominum! ô res
 mirabilis, manducat Dominũ
 pauper servus & humilis.



IN MISSA

JACULATORIÆ FACES

Animæ Pœnitentis.

1. *Ad Confessionem.*

Cum Davide.

Ah Pater! tibi soli peccavi, *Psal.*
& malum coram te feci! 50.

2. *Ad Introitum.*

Cum Ieremia.

Misericordiæ DOMINI, *Thre.*
quia non fumus consumpti! 63.
væ nobis, quia peccavimus!

3. *Ad Offertorium.*

Cum Isaia.

Anima mea desideravit te *Isa.*
in nocte. 26.

4. *Ad Elevationem.*

Cum Publicano.

DEUS! ô DEUS propitius *Lue.*
esto mihi peccatori. 18.

5. *Ad Communionem.**Cum S. Bernardo.*

*In Iu-
bilo.* O JESU mi dulcissime,
Spes suspirantis animæ
Te quærunt piæ lacrimæ
Et amor mentis intimæ.

JESU spes Pœnitentibus!
Quàm pius es petentibus!
Quàm bonus te quærentibus!
Sed quid invenientibus?

6. *In Communione.**Cum S. Petro.*

*Euc.
c. 5.* Exi à me, quia homo pec-
cator sum, Domine.

7. *Ad Communionem.**Cum Zachao.*

*Euc.
19.* Ecce dimidium bonorum
meorũ, Dñe, do pauperibus,
& si quid aliquem defrauda-
vi, reddo quadruplum; reddo
pro me te ipsum, reddo pro te,
me ipsum, quem recuperasti.
venisti enim saluum facere,
quod perierat.

POST

POST MISSAM

VOX LAUDIS.

*Huc Angelorum Chori
Cœlestis aula musici,
Festo volatu pergite,
Christoq̃ue laudem dicite.*

Benedicite Domino omnes Psal.
virtutes eius, Ministri eius, 102.
qui facitis voluntatem eius.

Confitemini illi quoniam 135.
bonus, quoniam in æternum
misericordia eius.

Quia in humilitate nostra
memor fuit nostri, & redemit
nos de inimicis nostris.

Qui dat escam omni carni,
Carnem suam Peccatori,
Peccatori pœnitenti,
Pœnitenti quem in Sacro
Miseratus Sacramento,
De cruore potat suo,
Suo saginat Corpore.

B 3

Sua

Angelico tu quoque pasta cibo, benedic anima mea Domino, & noli oblivisci omnes retributiones eius.

Non enim secundum peccata nostra fecit nobis, neque secundū iniquitates nostras retribuit nobis; sed quomodo miseretur pater filiorum, misertus est nobis.

Illum ergo collaudemus,

Illi simul ter cantemus,


Tibi laus & gloria.

Procidamus ante thronum eius, & cum Angelis ipsis sine fine dicamus; Sanctus, Sanctus, Sanctus Dominus DEUS Omnipotens, qui eras, qui es, & qui venturus es.

Tibi Laus & Gloria.

Dignus es Dñe DEUS noster accipere gloriam, & honorē, & virtutē, quia tu creasti omnia. *Tibi Laus & Gloria. Amē.*

GRA-



GRATIARUM

Actio.

PATER misericordiarum.
 tibi gratias ago pro cun-
 ctis miserationibus tuis. Tu
 factor omnium DEUS, licet *Aug.
med.
c. 2.*
 in cunctis operibus tuis sis
 mirabilis, mirabilior tamen
 esse crederis in operibus pie-
 tatis. Nullum enim spernis,
 neminem abijcis, neminem
 perhorrescis, nisi fortè, qui
 amens te exhorruerit. Ergo
 iratus non modò non per-
 cutis, sed te irritantibus,
 dona, si quieverint, tribuis.
 DEUS meus, cornu salutis
 meæ, & susceptor meus, ego
 infelix, ego te irritavi, ego
 malum coram te feci, furo-
 rem tuum provocavi, iram
 promerui; peccavi, & passus.

es; deliqui, & adhuc susti-
nes; si pœniteo, parcis; si re-
vertor, suscipis; insuper
dum differo, præstolaris. Re-
vocas errantem, invitas re-
pugnantem, expectas tor-
pentem, amplexaris redeun-
tem. A ruina suscitās, post
lapsum reparas, petenti lar-
gis, quærenti inveniris, &
pulsanti aperis. Ecce Do-
mine DEUS salutis meæ,
quid reponam, nescio; quo-
modo respondeam, ignoro,
nisi per JESUM Christum
Filium tuum. Illum igitur
unigenitum tuum, Verbum
carnem in utero Virginis fa-
ctum, in stabulo natum,
octavo post die circumci-
sum, vocatum Nomine JE-
SUM, in Templo tibi præsen-
tatum offero pro cunctis tuis
erga me beneficiis, ac nomi-
na-

natim pro beneficio Creationis (*Hic fusiùs recondendum, quis, quid, ubi &c. te creavit Deus*) pro gloria & exaltatione SS. Angelorum ac præsertim illius, quem corporis & animæ mei Custodem, plurimumque mihi bonorum authorem & procuratorem dedisti.

Suimet Oblatio.

Tibi verò, Domine JESU, quid offeram pro tuis in me meritis plusquàm paternis?

Nam parentes quidem aliis *Chrys. hom. ad popu.* sæpe filios tradunt alendos, tu autem non ita, sed carnibus tuis nos alis, & temetipsum nobis apponis, nos omnes generosos esse volens.

Ecce Domine, in simplicitate cordis mei offero me ipsum tibi hodie in servum *Imit. Chr. l. 4. c. 9.* sempiternum, in obsequium,

& in sacrificium laudis perpetuæ. Suscipe me cum hac sancta oblatione tui pretiosi Corporis, quàm tibi hodie in præsentia Angelorum invisibiliter assistentium offero, ut sit pro me, & pro cuncto populo tuo in salutem. Offero etiam tibi omnia peccata mea super placabili altari tuo, ut ea comburas igne charitatis tuæ. Tu interea loquere, Domine, quia audit servus tuus. (*hic tantisper silendum, & audiendus in corde Christus.*)

Animi Propositum.

Veni, jam veni Sancte Spiritus, mundator sce-
Aug. med. c. 9. rum, fortitudo fragilium, orphanorum pius Pater, veni, & miserere mei. Ecce
Chri. hom. ego coram te, coram SS. Angelis tuis, coram hac Sacra
 Men-

Menſa, cui miniſtrant Cherubim, ad quam deſcendunt *de S. mens.*

Seraphim, quâ ſaginantur omnes Spiritus cœleſtes; Propono debitam pro peccatis meis pœnitentiam agere, declinare à malo, & facere bonum. Statuo præterea DEUM & Hominem JESUM Chriſtum filiali corde colere, vereri, diligere. Volo denique vitium N. (*Unum aliquod in particulari, quod ſibi quiſque ſeliget impugnandum*) fortiter impugnare; nec non & virtutem N. (*unam ſimiliter exercendam ſibi quiſque ſeliget*) pro viribus exercere.

Tu me labantem ſuſtine,
firma, rege.

Septem Petitiones.

Pater noſter excellens in *Man.*
creatione, ſuavis in amore, *ſoda-*

dives in hæreditate. Qui es in Coelis speculum æternitatis, corona jucunditatis, thesaurus felicitatis, invoco per JESUM Christum Filium tuum. Quid enim dulcius, quàm Genitorem in Nomine unigeniti invocare? Te, inquam, per ipsum pro nobis in horto capti, totâ Urbe tracti, in prætorio cæsi merita infinita precor;

1. Sanctificetur nomen tuum, ut mihi sit semper mel in ore, melos in aure, jubilus in corde.
2. Da fidam S. Raphaelis Archangeli, unius ex septem, qui astant coram te, Angeli quæ mei Custodis tutelam, ut eâ jugiter protectus, inter omnes viæ ac vitæ huius varietates, paratum in te refugium, portum, ac remedium inveniam. Amē.

Chri-

Christe Domine, Verbum
Patris, qui venisti, in hunc *Aug.*
mundum peccatores salvos *med.*
facere, rogo te per indul- *c. 36.*
gentissima animæ tuæ viscera,
emenda vitam meam, melio-
ra actus, compone mores, tol-
le de me, quod mihi nocet,
& tibi displicet; & da quod
nostis tibi placere, & mihi
prodesse. Tu es, qui justifi-
cas impios, & vivificas mor-
tuos propter peccatum; qui
mutas peccatores, & non
sunt. Tolle ergo de me,
quidquid tibi displicet in me. *III.*
Da mihi, da Christianis om-
nibus mutuas nobis offen- *Mat.*
sas remittere, ut nos in pro- *c. 5.*
ximum nostrum misericor-
des, ipsi quoque misericor- *IV.*
diam consequamur. Da cun-
ctis etiam peccatoribus dig-
nos pœnitentiæ fructus fa-
ce-

cere, ut in pristinam tecum gratiam redire mereantur. Amen.

V. Eccl. Te quoque sanctissime Spiritus, per SS. Angelorum suffragia, precor, Averte à me ardorem Avaritiæ. Avaro enim nihil est scelestius. Da paupertatis Evangelicæ Studium, ut habens alimenta, & quibus teger, his contentus sim. Da
VI. i. Ti. moth. mihi denique donum intellectus, ut scruter legem tuam, & custodiam illam in
Psal. 118. toto corde meo.

Hæc eadem, ô beata Trinitas, à te postulo pro consanguineis, pro civibus, pro incolis & accolis meis, ac nominatim pro N. N. ut cum debito sancti doloris, & confidentiæ filialis augmento, legem tuam adimpleamus.

Re-

Regina Angelorum ora
pro nobis, & impetra vivis ^{Blo-}
veniam, & gratiam; mori- ^{sus.}
bundis opem, & viaticum;
defunctis requiem, & glo-
riam sempiternam.
Amen.

†
IHS



EVCHARISTICI CONVIVII

RELIQUIÆ

*diurnas ad Horas sepositæ**Mystæ Pœnitenti.**Ruth.*
*c. 2.**Comeditque, & saturata est*
& tulit Reliquias.

S. EVCHARISTIA est

1. Cibus Angelorum

Aug.
in Ps.
*33.*1. *Moribus Angelicis vivat, qui*
Corpore Christi
Pascitur; Angelicos vult ci-
*bis iste viros.**Theo-*
doret.
de
Pro-
*vid.*2. DEUS Nutritor, cibus.
& conviva.2. *Cur cibus, & conviva suis fit*
Christus alumnis?
Uti Nutritorem se probet esse
*DEUM.**Am-*
bro. de
bene
Patri.

3. Christi caro, bona stola.

3. *Quem scelus infecit; Christi caro*
sancta refecit;
Hinc bene mens degit, quem
stola sacra tegit.

4. Vi-

3. Vitulus faginatus ad *Hier.*
 pœnitentium salu- *Ep.*
 tem immolatus. *l. 46.*
4. Divino pastus Vitulo, quid
 prodigus addam?
 Ritè satur Patri cantica gra-
 ta canam.
5. Mannæ suavitas. *Fulb.*
5. Ite procul dulces epulæ, lau- *Ep.*
 dataq; Regum *l. 46.*
 Fercula, Christiferum plus
 mihi Manna sapit.
6. Medicina peccatorum. *Am-
bro. de
Sacr.*
6. Si tibi, Mysta, malè est, medici-
 nam sume; quid hæres?
 Hæc mala cuncta fugat, quæ
 bona cuncta creat.
7. Maximum juvamen *Cyrl.
Hier.*
 defunctorum. *cath.*
7. Quid juvat iste cibus, defun- *c. 5.*
 ctas corpore mentes?
 Illis fit potus, qui fuit
 antè cibus



AD

EXERCITIUM. II.

SACRÆ MYSTARUM

Hebdomadæ.

DIES SECUNDUS.

Deo. O. M. & SS. Patriarchis

CONSECRATUS.

In 1.
Cori.
c. 2.

QUàm exigit animi puritatem D. Hieronymus, cum ait, oportet cessare à vitiis, ut sanctum Domini Corpus sanctè accipias; eam sibi sufficere nequaquam putant *Eucharistiæ* Cultores. Mundi-
tiem exquirunt, quàm S.
Chrysostomus, factâ compa-
ratione, sic proponit. Si Ba-
bylonii pueri prophano Regi
ministrantes, sine macula esse
debebant, multò magis, in-
quit,

Hom.
c. 1. ad
pop.

quit, nos sanctæ Mensæ assistentes specie pulchros esse decet, aureum animæ mundum habentes. Nobis itaque purgatis *Secundum* hoc proponitur *Exercitium* die Martis Regiis Christi Regis præconibus ac Patriarchis honorandis idoneo, vel alio quolibet, pertractandum, ut cum affectu puritatis, ac reverentiæ famularis, ad Evcharisticum Regem longè purissimum accedamus. Ad hoc nos invitat & fons ☿ Cygnus in appposito *Symbolo* depictus. Sicut enim Cygnus in pellucido fontis alueo candorem suum servat atque auget, sic animus ab omni labe purgatus in ipso totius puritatis fonte magis in dies, ac magis purificatur.



IN SYNAXIM
ANIMÆ PURGATÆ

Septenarium distichon.

1. **S**I quid adhuc restat macula,
 næviq̃ue prioris,
 Id purgare sacris, mens mea
 quærit aquis.
2. Allicit ad fontem salientis gut-
 turis humor;
 Sed revocat cœno vis ini-
 mica meo.
3. Hic ego quid facerem, nisi me
 Rex Christe iuberet,
 Antè lavare pedes, quàm re-
 levare sitim?

4. *Ergo manus, faciemq₃ lavo,
pectusq₂, pedesq₃;
Cor lavo præterea terque
quaterque meum.*
5. *Ut niveas puro pennas licet al-
bus in alveo
Hanstâ Cygnus aquâ purifi-
care solet.*
6. *Sic mea mens, sic cor extrâ
mundatur & intûs,
Cum sine labe suum suscipit
ore DEUM.*
7. *O Rex purpureo decora me
sanguine servum
Christe tuum; Domini me
debet iste color.*

EXEMPLA.

Liliaceus is erat color S.
Ludovici Gallix Regis,
quippe qui sæpe purpuram
cum stola suam in sanguine
Agni dealbabat, cum in hoc
fonte se abluens humanæ fra-
gi-

gilitatis maculas abstergebat. Eodem se Regis Regum decorabat ornatu B. Comes Elzearius, quoties ipse cum suis, quos omnes castos esse ac puros volebat, divino fruebatur Epulo. Ad illud animum cum pararet suum B. Margaretha Regis Hungarorum filia, suis se lacrimis, ab elevatione Hostiæ usque ad Communionem, indefinenter manantibus, abluabat. Sacramentum verò ipsum cum magna devotione ac reverentia sumebat; tum deinde porrecti Communicantibus aliis Christi Corporis intuitu recreabatur. O nos felices, si puris istis mentibus assimiles, puras de puro fonte Sacramenti, cordis puri delicias hauriamus!

EXER-



EXERCITIUM II.

ANIMÆ PURGATÆ,

Ad DEUM & Hominem

JESUM CHRISTUM

*Ut Conditorem, ut Domi-
num, ut Regem*

EVCHARISTICUM

ACCEDENTIS,

*Per affectum puritatis &
reverentiæ famularis.*

ANTE MISSAM

EXCITATORIA

Aspiratio.

UBi primùm evigilasti, si-
mul cogita Regem cœ-
lestem, simul audi principes
eius, tuam ipsius animam ad
pran-

prandium Eucharisticum excitantes.

Iud. Surge, surge Debora, surge,
c. 5. surge & loquere canticum.

Inde Regium tibi gratulatus prandium, sic aspira.

Esth. O me felicem! hodie cum Rege
c. 5. pransurus sum.

INVITATORIA

Consideratio.

MIsa jam instante *Considera* te seu vile mancipium, seu infirmum viribus subiectum, seu hostem, quondam perduellionis reum, à Christo tuo præstantissimo Domino, cui servire, regnare est; potentissimo Conservatore, cui resistere nemo potest; fidelissimo Rege, cuius titulus hic est; *Rex Regum, & Dominus Dominantium*; non ad debitas perfidias

Apoc.
c. 9. 5

diæ tuæ pœnas, sed ad Ev-
 charisticum prandium, ubi
 Rex convivii Christus ipse
 JESUS, Angeli ministri,
 Sancti Patriarchæ aulici, ver-
 bis istis invitari.

*Ecce prandium meum paravi; Mat.
 tauri mei, & altilia occisa, & c. 22.
 omnia parata; venite.*

Hâc mente templum in-
 gredere, & Regem Evchari-
 stico confidentem throno sic
 pronus alloquere.

INFLAMMATORIUS

Affectus.

I. **R**EX Regum, & Domi-
 ne, Dominantium
 CHRISTE, qui per os Sapien- prov.
 tiæ clamaſti; ſi quis eſt par- c. 9.
 vulus, veniat ad me; & in-
 ſipientibus locutus es, di-
 cens; venite, comedite pa-
 nem meum, & bibite vinum,
 C quod

Imi. quod miscui vobis ; ecce ego
Chr. ad te venio , ut benè sit mihi
l. 4. ex munere tuo , & lætificer
6. 3. in convivio Sancto tuo ,
 quod parâsti in dulcedine
 tua pauperi DEUS. Quo-
Petr. niam verò sic jubes , opiparè
Cell. prandebo. Neque enim ibi
l. de parcè prandendum est , ubi
pan. cibum invenio DEUM.

prov. Rex , qui sedet in folio Ju-
6. 22. dicii , dissipat omne malum
 intuitu suo , quantò magis
 contactu suo Rex gloriæ
 Christus Evcharistico resi-
Hebr. dens in throno. Adeamus
6. 4. ergo cum fiducia ad hunc
 thronum gratiæ , ut miseri-
 cordiam consequamur , &
 gratiam inveniamus in tem-
 pore opportuno.

Isai. Mundamini qui fertis va-
6. 16. sa Domini. Sed quantò
P. mundiores esse oportet eos
Bles. qui
6. 5 2.

qui in manibus, & in corpore portant Christum. Ecce Angelorum multitudo fulgentibus vestibus indutorum altare ipsum circumdat, *Chrys.* capite sic inclinato, ut si quis *de sacer.* milites stantes videat præsente Rege; tamen quod ipse liberè non audent intueri propter emicantem, inde splendorem, hoc nos pascimur, huic nos unimur; & inde nos perduelles non trepidamus? Illuc accedere non veremur? O vermiculorum audacia!

4. Sugēs lac gentium, & *Isai.* mamillâ Regum lactaberis: *6. 60.* imò sanguine Regis Regum potaberis, O Anima Christiana. Vide igitur qualem te esse oporteat, dum hîc talem, tantumque suscipis Dominum, cuius ebibitus san- *Chrys.* *hom.*
 C 2 guis 45.

guis nobilitatem animæ non
sinit languescere.

Isai.

5. Fecisti Domine DEUS
6. 25. exercitium populis tuis in
monte hoc convivium pin-
guum medullatorum, con-
vivium vindemiæ defæca-
tæ, nostris olim patribus
promissum. Tuam quippe
nobis hîc apponis carnem in
cibum, sanguinem in po-
tum, animam pro medulla,
proque adipe divinitatem.
Psal. O pingue convivium! quis
6. 2. mihi det, ut sicut adipe, &
pinguedine tuâ repleatur
anima mea?

6. Cor mundum crea in

me DEUS. Mundissimo

Aug.

med.

6. 35.

namque Domino munda de-
betur habitatio. Sanctifica
ergo me vas tuum, quod fe-
cisti; de malitia evacua, im-
ple de gratia, & plenum con-
fer-

serva, ut dignum habitationis
tuæ templum efficiar.

7. Manducaverunt & ado- *Psal.*
raverunt omnes pingues ter- *21.*
ræ. O felix anima, quæ te,
Christe, Dominum DEUM *Imit.*
suum, meretur devotè susci- *Chr.*
pere, & in tui susceptione, *l. 4.*
spirituali gaudio repleri! ô *c. 3.*
gaudium super omne gau- *Ter-*
dium mundi! gaudere cum *ull.*
DEO, epulari cum Christo,
manducare DEUM &
Sacramentis sa-
ginari!





IN MISSA.

JACULATORIÆ FACES
Animæ Purgatæ.

1. *Ad Confessionem.*

Cum Iacobo.

Iob. Peccavi! quid faciam tibi,
s. 7. ô Custos hominum? cur non
tollis peccatum meum?

2. *Ad Introitum.*

Cum Absalone.

2 Reg. Obsecro, ut videam faciem
s. 14. Regis, aut si memore est, ini-
quitudinis meæ, interficiat me!

3. *Ad Offertorium.*

Cum Esthere.

Esth. Si Regi placet, obsecro, ut
s. 5. venias ad me hodie ad convi-
vium quod paravi!

4. *Ad Elevationem.*

Cum S. Franc. Sales.

In Vivat Rex Maiestatis, vin-
vitæ. cat JESUS, regnet ubique
Christus!

s. Ad

5. *Ad Communionem.*

Cum S. Bern.

O JESU Rex admirabilis,
Et Triumphator nobilis,
Dulcedo ineffabilis,
Totus desiderabilis.

*In
Jubil.*

Desidero te millies,
Ut hîc de te me faties,
Mi JESU, quando venies?
Me lætum quando facies?

6. *In Communione.*

Cum Leproso.

Domine, si vis, potes me *Mat.*
mundare. *c. 8.*

7. *A Communione.*

Cum pueris Hebræ.

Hofanna Filio David! be- *Joâ.*
nedictus qui venit in Nomi- *c. 12.*
ne Domini Rex Israël! ô
Christe,

In me tuam loca sedem,
Ex me nunquam move
pedem,

Regum Regnator Optime!

C 4 POST



POST MISSAM,

VOX LAUDIS.

*Patrum Senatus inclyte,
Cum Patriarcharum Ordine,
Regem, Deumq; prædica,
Sonante Præconum tubâ.*

Jo David, ô Psaltes regie!
Jo Joseph Regis Oeconome!
Jo Christi Baptista Prodrome!
Jo terque, quaterque dicite!

Psal.
46.

Simul omnes gentes plau-
dite manibus, jubilate DEO
nostro in voce exultationis.

Quoniam dominus excel-
sus, terribilis, Rex magnus
super omnem terram.

Subjecit populos nobis, &
gentes sub pedibus nostris.

Pfallite DEO nostro, pfalli-
te: Pfallite Regi nostro, pfal-
lite.

Quoniam Rex omnis terræ
DEUS, pfallite Sapiēter. Rex

Rex quem Cælum demiratur ,

Rex quem terra veneratur ,

Quem verentur Inferi ;

Eccē te dñs Sacro Pane ,

Nos cibavit snâ Carne ,

Suo potavit Sanguine.

Illo solo gloriemur ,

Illi soli gratulemur ,

Ore , manu , pectore.

Cantemus illi cum egregiis
ac fortibus viris, qui vicerunt
bestiam , & imaginem eius , *Apoç.
c. 15.*
habentes cytharas DEI , &
cantantes canticum Agni:
dicentes ; magna & mirabilia
sunt opera tua, Domine DEUS
Omnipotens ; justæ & veræ
sunt viæ tuæ , Rex Sæculo-
rum. Quis non timebit te
Domine & magnificabit No-
men tuum ?

Tibi soli serviemus ,

Tibi soli concinemus ,

Vivat Rex in sæcula, Amen.



GRATIARUM

Actio.

1 Tim. **T**ibi Regi sæculorum im-
c. i. mortali, invisibili, soli
 DEO honor & gloria in sæ-
 cula sæculorum, Amen.

S. Tibi laus, Æterne Pater,
Thom. quòd, cùm sis puritatis ama-
Aq. tor, & dator omnis sanctita-
 tis, me peccatorem indig-
 num famulum tuum pretio-
 so Corpore & Sanguine Filii
 tui satiare dignatus es. O bo-
Chry. ne DEUS! quo non oportuit
hom. me esse puriorem tali fruen-
83. in tem sacrificio? Quo solarira-
Mat. dio splendidiorẽ manum
 meam, carnem hanc divi-
 dentem? Os meum quod ig-
 ne spiritali repletum est; lin-
 guam meam, quæ tremendo
 nimis sanguine rubescit? Me

ta-

tamen vile mancipium ad regiam hanc Cœnam vocatum regificè excepisti. Tibi gratiarum actio pro hac singulari pietate tua , proque illa bonitate mira , quâ Christum tuum inexhaustis potentiæ , & meritorum , & gloriæ thesauris ornatum constitui nobis in Regem , qui Principem tenebrarum usurpato *Blos.* diu regno deturbaret , & fractis eius viribus , Cœlum cre- *parad ani.* dentibus aperiret. Hunc ergo gratissimum Regem , ac Dominum meum JESUM Christum à Regibus Magis , stella duce , quæsitum , inventum , adoratum , ab Herode postea neci destinatum , fugere coactum , parentibus suis subditum , fabrili opere fatigatum , offero Maiestatî tuæ , pro universis tuis erga

me beneficiis , ac speciatim
pro beneficio Conservatio-
nis meæ (*hoc recolendum paulò
fusiùs*) pro exaltatione , &
gloria SS. Patriarcharum ac
Prophetarum Josephi , Jo-
annis Baptistæ , & aliorum ,
tibi pro me gratias agen-
tium.

Suimet Oblatio.

Scio DOMINE mi Rex
Aug. med. 39. JESU Christe , quia ex hoc
quòd me fecisti , debeo tibi
meipsum , & quia me rede-
misti , pro me factus homo ,
deberem tibi plus quàm me ,
si haberem , quantò tu maior
es , pro quo dedisti te ipsum.
Ecce , nec plus habeo , nec ,
quod habeo , dare tibi possum
sine te , sed accipe me tu , &
Imit. Chri. l. 4. c. 4. trahe me ad te , ut tuus sim
imitatione , & dilectione ,
sicut tuus sum conditione &
crea-

creatione. Suscipe me in laudem & gloriam nominis tui, qui Corpus tuum, & Sanguinem in cibum, & potum mihi paraſti. Præſta Domine DEUS ſalutaris meus, ut cum frequentatione myſterii tui creſcat, mea devotionis affectus. Interea verò audiam quid loquatur in me Dominus (*Et hinc tantisper ſilendum eſt, atque audiendum, ſi quid fortè tuo loquatur in corde Chriſtus.*)

Animi Propoſitum.

Nunc quoque ſcio puriſſi-
me Spiritus, quàm verenda
ſit hora, cum tu vivens ac
ſanctus è Cœlorum ſuperis
ſedibus deſcendis, atque in-
cubas ſuper Evchariſtiam,
propoſitam; ſcio, quàm ſit
hoc tempus meis votis pro-
pi-

Baſil.
l. i. de
Ana.

pitium, ac stabiliendis animi mei consiliis idoneum. Ideoque coram te, coram SS. Patriarchis ac Prophetis, coram hac mensa Potentis, unde sumitur Corpus Christi; propono, ad maiorem DEI gloriam propagandam, sub invicto Christi Regis vexillo militare perpetuò, pugnare pro viribus, constanter mori, sicut bonus miles Christi

Aug. JESU. Decerno vitare hodie quasi romphæam bis acutam iniquitatem, omnem. Statuo denique, vitium N. fortiter impugnare, & virtutem N. diligenter, exercere. Tu vires, animosque dabis, dextramque petenti.

Septem Petitiones.

2. Mach
c. 1. Domine DEUS omnium Creator, terribilis & fortis, justus & misericors, qui solus

uses bonus Rex, solus præstans, solus justus, & Omnipotens, & Æternus; ego te per JESU Christi Regis ac Domini nostri ab Herode rege spreti, à Judaico populo repudiati, à Pilato Præfide damnati, arundineo sceptro delusi, coronâ spineâ redimitti merita precor; adveniat *I.*
regnum tuum, tranquillum sine perturbatione, jucundum sine afflictione, securum sine amissione, ut gratia *I. pet. c. I.*
nobis & pax multiplicetur. *II.*
Da invictum S. Michaëlis Archangeli, Principis illius magni, qui stat pro filiis populi tui, Angeliq̃ue Custodis mei subsidium, ut eo ritè munitus hostes visibiles, atq̃ue invisibiles superem, regnumq̃ tandem consequar sempiternum, Amen.
JE-

- Æth.** JESU Nazarene Rex Judæorum audi me. Petitio mea, & preces meæ sunt istæ. Si inveni gratiam in oculis tuis, ô Rex, & si tibi placet, dona mihi animam meam, pro qua oro, & populum meum, pro quo obsecro.
- Aug. folil.** Etenim in exterminium nostri laborat inimicus noster qui ex quo cecidit, non cessat persequi filios tuos, & in odium tuum, ô Rex magne, cupit perdere nos; sed contemere eum fortis noster, antequam nos agnos tuos devoret.
- Galat.** Da mihi præoccupatos homines in aliquo delicto corrigere, & huiusmodi instruere in spiritu lenitatis, considerans me ipsum, ne & ego tenter.
- IV.** Da Christianis omnibus atque Catholicis invictum Sacræ confirmationis

robur, fructumque percipere, ut bonum facientes non deficiamus, sed ubique legem tuam adimpleamus, Amen. *Ibid.*

Spiritus Domini, DEUS, Israël, Dominator hominum, supernæ satietatis opulentissime largitor, & munerum dator, ego te per SS. Patriarcharum & Prophetarum suffragia precor, averte à me ventris ingluviem, ne ambulem cum inimicis Crucis Christi, quorum DEUS venter est. Da mortificationis Evangelicæ studium, ut stigmata Domini JESU in corpore meo portem. Da mihi denique donum Fortitudinis, & spiritu principali confirma me. *Aug. man. c. 4. Phil. c. 3. VI. Gal. c. 6. VII. ps. 50.*

Hæceadem, ô beata Trinitas, à te postulo pro Rege
ne-

nostro N. pro Principibus
Christianis atque Catholicis;
N. N. ac speciatim pro N. N.
ut cum debito reverentiæ,
puritatis ac devotionis aug-
mento tibi fideliter servia-
mus, Amen.

*Blo-
sius.*

Regina Patriarcharum ora
pro nobis & impetra vivis
veniam & gratiam, mori-
bundis opem & viaticum,
defunctis requiem & glo-
riam sempiternam
Amen.



VCHARISTICI PRANDII
RELIQUIÆ

diurnas ad Horas collectæ

Myſtæ Purgato.

Septuaginta Reges colligebant sub *Iud.*
mensa mea ciborum Reli- *c. 1.*
quias.

S. EVCHARISTIA est

1. Fons sordes abluens. *Chryf*
l. 43.

1. Gurgite sanguineo mentes fons *in Io.*
iste dealbat ;

Hinc bibe , & ablutis sordi-
bns, albus eris.

2. Puri cordis vitales *Aug.*
delitiæ. *l. 13.*

2. Si tibi cor purum est , vitales *Conf.*
appete puri

Cordis delicias ; has Sacra
Mensa dabit.

3. Mensa potentis. *Aug.*

3. Mensa potentis adest , ubi Rex *tr. 53*
conviva, cibusque ; *in Io.*

Rex

Rex Deus, esca Deus; Mensa
potentis adest.

Clem.

Alex.

l. 3.

Rad.

4. Regnum DEI.

4. Si sacra mensa Dei, Regnum est,
Rex dicar ab illa;
Regnum ibi possideo, possi-
deoq; DEUM.

5. Cibus Grandium.

Aug.

l. 7.

conf.

5. Parvus ego, cibus hic magnorum
est esca virorum;
Ut fiam grandis, sit mens
iste cibus.

Ha.

c. 60.

6. Lac gentium & ma-
milla Regum.

6. Sugere quisquis amat Regum
cum lacte mamillam;
Christi suge latus, lac fuet
inde tibi.

Pasc.

l. de

Evcb.

7. Stipendia nostræ militiæ.

7. Hæc sacra, militiæ si sunt sti-
pendia nostræ,
Hostis ab Inferno! quis me-
tuendus erit?

AD

AD

EXERCITIUM III.

SACRÆ MYSTARUM

Hebdomadæ.

DIES TERTIUS

DEO. O. M. & SS. Angelis

CONSECRATUS.

UT pulsâ noctis caligine,
 solex oriens terras illu-
 strat; ita fugatis ignorantia
 enebriis, divina lux irradians
 nentes puras illuminat. I-
 leoque Animæ peccati fordi-
 bus expurgatæ, radiis que cœ-
 lestibus illuminatæ Tertium
 hoc proponimus *Exercitium*,
 pso die Mercurii peragendū.
 Est enim Spiritui Sancto hu-
 nilium Doctori, Doctorumq̃
 pædago, nec non Aposto-
 is mysteriorum DEI dispen-
 satoribus honorandis desti-

*Ioseph.**vicec.**l. 3.**de viv.**Miss.**c. 18.*

na

natus hic dies, comodusque nobis, ut cum affectu humilitatis, & obedientiæ docibilis, ad Evcharisticum Magistrum accedamus, atq; adeo illuminemur; non quomodo accesserunt Judæi, ut tenebrarentur; ait August. Accesserunt enim illi, ut crucifigerent, nos autem ad eum accedimus, ut Corpus eius & Sanguinẽ accipiamus. Illi de Crucifixo tenebrati sunt, nos manducando Crucifixum & bibendo illuminamur tanquam à sole sub nube condito, qualis hic depingitur. Quemadmodum enim nubes de se licet obscura, sole tamen plena ipso collucet; ita mens suscepto ritè Christo, quem S. Anastasius Sinaita Solem mundi purissimum & fulgentissimũ vocat, mirabiliter ab hoc Hospite collustratur.

IN

in
Psal.
33.

l. 4.
Exã.



IN SYNAXIM
ANIMÆ ILLUMINATÆ
Septenarium distichon.

1. **U** Mbra repone diem, quid
lumina nostra moraris?
Redde ducem, radiis qui
mibi monstret iter.
2. Est iter ad Mensam, quam nocte
dieque requirit
Mens viduata suo lumine,
pane, mero.
3. Audior! Ecce mihi subjectæ
nubis in umbra,
Mens-

*Mensa patet sacro clarificā-
ta cibo.*

4. *Sol cibus est mentis, solem te-
git umbra, cibumq̃,
At solem, atque cibum mens
notat ipsa suum.*

5. *Haud secus ac nubes solem
complexa, micanti
Hunc sibi præsentem lumine
plena probat.*

6. *Et mihi mens tali collucet ab
Hospite, quando
Totus in exiguo cor DEUS
Orbe replet.*

7. *O Deus! ô quando pulsus de
corde tenebris,
Totus eris mihi sol? Totus ero
tibi cor.*

EXEMPLA.

TAlis omnino fuit D. Tho-
mas Aquinas, cui sol cir-
ca cor in tabellis appingi-
tur; quia Christus illi sol, ipse
cor

tor Christo erat; five de eo
 scriberet Doctor Angelicus;
 five rythmos illi caneret, lau-
 dator Evcharisticus; five il-
 lum fusciperet, humilis pius
 Myſta. Talis quoque fuit In-
 ſtorũ Apoſtolus S. Franc. Xa- *in*
 verius, qui ſolis huius radiis *Vita*
 effulgens, dum ſacra faceret,
 populoque ad veram fidem
 converſo panem cœleſtem
 divideret, nubis inſtar æter-
 na ferebatur ſublimis. Talis *in*
 denique fuit B. Angela de *Vita*
 Fulginio, quæ Chriſtum in
 auguſtiſſimo tabernaculo So-
 lis inſtar irradiantem ſemel
 intuita, miro deinceps illum
 ardore, nec non humilitatis
 affectu ſuſcipere ſolebat. At
 nos væ cordes ac ſuperbi te-
 nebriones tam auguſta ſine
 ſenſu Myſteria contre-
 ctamus!

D

EXER-



EXERCITIUM III.

ANIMÆ ILLUMINATÆ.

Ad DEUM & Hominem

JESUM CHRISTUM

*ut Vocatorem, ut Magistrum,
ut Pastorem.*

EVCHARISTICUM

ACCEDENTIS,

Per affectum Humilitatis
& obedientiæ do-
cibilis.

ANTE MISSAM

EXCITATORIA

Aspiratio.

EXcitatus à somno Mar-
tham audi Christi Disci-
pulam. ita te silentio monen-
tem.

Ma-

Magister adest, & vocat te. *Ioan.*
c. 11.
Nec mora; surge qui dormis,
& illuminabit te Christus,
surge inquam, & cum alio
item Discipulo sic aspira.

Magister, sequar te, quocum- *Mat.*
c. 8.
que jeris.

INVITATORIA

Consideratio.

Dato jam ad Sacrum si-
gno, *Considera* te vel cæ-
cum in sacris Mysteriis Di-
scipulum, vel surdum in di-
vinis colloquiis Auditorem,
vel rudem in spiritualibus
Exercitiis Tyronem, à Chri-
sto tuo rectæ viæ Ductore,
certæ veritatis Doctore, san-
ctæ vitæ Pastore, per S. Phi-
lippum, aut alium è SS. A-
postolis Patronum, non ad
castigandos pro meritis lap-
sus, errores, ac defectus;

D 2

tuos;

tuos; sed ad offusas mentium
tuarum tenebras cœlesti lumine,
sermone, pabulo discutien-
das, his vocibus invitari.

Joan.

6. 1.

*Quem scripsit Moyses, in lege,
& Propheta, invenimus JESUM
Filium Joseph à Nazareth; veni,
& vide.*

Tali cogitatione defixus
templum ingredi, & se-
dentem in Evcharistica qua-
si cathedra Magistrum, sic
affare.

INFLAMMATORIUS

Affectus.

Luc.

6. 18.

1. **J**ESU Fili David miserere
mei. Ego sum miser ille
cæcus juxta viam mendicans.

Aug.

med.

6. 18.

Tu autem es Pastor meus bo-
nus, Magister meus verus;
Dux meus ad patriam, lux
mea vera, via mea recta, sa-
pientia mea præclara. Quid
tibi

ibi vis faciam? Inquis; Domine, ut videam, ut per te ambulem, ut ad te perveniam, ut in te requiescam, quies via, veritas, & vita. Te enim desidero dulcissimum ac pulcherrimum Dominum. Da mihi te, ne deficiam in via. Mens enim deficit, quam *Cypr. ep. 54* recepta Evcharistia non erigit & accendit.

2. Accedite ad illum, & *Am- brof. S. 18. in Ps.* satiamini, quia panis est; accedite ad eum, & potamini, quia fons est; accedite ad eum, & illuminamini, quia *S. Th. opusc. 58. c. 6.* lux est. Christus in Evcharistia, lumen in lucerna, quæ devotè recipientium ignorantiae tenebras illuminat. Accedam igitur & ego, quoniam Dominus illuminatio, *Ps. 26* & salus mea Christus.

D 3

3. Ec-

Reg. 3. Ecce ego, quia vocasti
c. 3. me, loquere, Domine, quia
 audit servus tuus. Quæso
Aug. piissime, invocantem ne de-
man. feras, quia priusquam te in-
c. 3. vocarem, me vocasti & quæ-
 fisti: ut & ego servus tuus te
 quærerem, quærendo inve-
 nirem, & inventum ama-
 rem. Quæfivi & inveni te,
 Domine, & amare desidero.
 Auge desiderium meum, &
 da quod peto; quoniam si
 cuncta, quæ fecisti, mihi
 dederis, non sufficit servo
 tuo, nisi te ipsum dederis.
z. 17. Da ergo te ipsum mihi.

Math 4. Præceptor, bonum est
 nos hîc esse, tecum epulari,
Laur. te frui. Per hoc enim Myste-
Iust. rium tradis te fidelibus tuis,
 quatenûs discant amare te,
 cognoscere te, laudare te. O
 si cognoscerem te in fractio-
 ne

ne panis, cum Discipulis tuis!
 si amarem te quantum vo- *Aug.*
 o, quantum jubes DEUS
 neus!


5. Audiam quid loquatur
 in me Dominus ad commen-
 dationem Mysterii sui! un-
 de commendavit Corpus & *Aug.*
 Sanguinem suum? De humi- *in Ps.*
 litate sua. Nisi enim esset hu- *33.*
 milis, nec manducaretur,
 nec biberetur. Id cum ita sit,
 vilior ego fiam, plusquam *2 Reg.*
 factus sum, & ero humilis in *c. 6.*
 oculis meis, & sic coram
 Domino gloriosior appa-
 rebo.

6. Sufficit Discipulo, ut *Math*
 sit sicut Magister eius. Ecce *c. 10.*
 autem quantus unitur animæ
 tuæ Christus. Ille tamen &
 Magister, & Dominus hu-
 miliavit se factus obediens *Phil.*
 usque ad mortem, mortem *c. 2.*

autem crucis, & hîc usque
advocem Sacerdotis. Vade
ergo, & tu fac similiter.

Math
c. 9. 7. Miratur Judæus, & quæ-
rit, quare cum peccatoribus
manducat Magister vester?
Psal.
21. Sed miretur potiùs, quòd
manducetur, à vermibus.
Ego enim sum vermis, & non
homo, opprobrium ho-
num & abjectio
plebis.





IN MISSA

JACULATORIÆ FACES
Animæ Illuminatæ.

1. *Ad Confessionem.*

Cum S. Petro.

Ah! Domine, non tantum ^{Ioan.}
pedes meos, sed & manus, ^{c. 13.}
& caput lava.

2. *Ad Introitum.*

Cum Cæcis.

Domine, miserere nostri, ^{Matth}
Fili David. Domine ut ape- ^{c. 20.}
riantur oculi nostri!

3. *Ad Offertorium.*

Cum Iobo.

O utinam DEUS loquere- ^{Iob.}
tur mecum, & aperiret labia ^{c. 7.}
sua mihi!

4. *Ad Elevationem.*

Cum S. Andrea.

Tu es Magister meus Chri- ⁱⁿ
stus, quem amavi, quem cog- ^{Offic.}
novi, quem confessus sum.

D 5

5. *Ad*

5. *Ad Communionem.**Cum S. Ioan. Bapt.*

Luc. Domine, Tu venis ad me,
c. 3. qui non sum dignus solvere
 corrigiam calceamentorum
 tuorum! veni tamen,
 Veni mentis igne pure,
 Veni meum pectus ure,
 Hæc te poscunt suspiria!

6. *In Communione.**Cum SS. Apostolis**Petro vel Thoma.*

Math Tu es Christus, Filius DEI
c. 16. vivi. Dominus meus, &
Io. 20 DEUS meus.

7. *A Communione.**Cum Discipulis.*

Luc. Mane nobiscum Domine,
24. quoniam, advesperascit; ;
 quoniam cognovimus te in
 fractione panis; quoniam
 cor nostrum ardens erit in
 nobis, dum loquens in via
 aperies nobis scripturas.

POST

POST MISSAM

Vox Laudis.

*Ecclesiarum Principes,
Et vera mundi Lumina,
Christi canentem munera
Vestris juvate cantibus.*

O veri Sion Filii, cum Discipulis Apostoli, venite & exultate mecum, & lætamini in Domino DEO nostro, qui dedit nobis Doctorem Justitiæ. Ioël. c. 2.

Quoniam eduxit me de tenebris, & umbra mortis; & vincula mea dirupit. Psal. 106.

Et deduxit me in viam rectam, ut irem in Civitatem habitationis.

Et facificem sacrificium laudis, & annuntiem opera eius in exultatione.

Et exaltem eum in Ecclesia plebis, & in cathedra seniorum laudem eum. Vos

Vos, inquam, ô duodeni
 Senes, unâ cum viginti qua-
 tuor senioribus coram Agno
 procidentibus, cantate me-
 cum Canticum novum, di-
 centes: Dignus es, Domine,
 accipere Librum, & aperire
 signacula eius, quoniam oc-
 cisus es, & redemisti nos in
 sanguine tuo, ex omni tribu,
 & lingua, & populo, & na-
 tione, & fecisti nos Deo no-
 stro Regnum, & Sacerdotes,
 & regnabimus super terram.
 Dignus es accipere virtutem,
 & divinitatem, & sapientiam,
 & fortitudinem, & honorem,
 & gloriam, & benedictio-
 nem.

hym.
Eccl.

I aus honor, virtus, gloria
Deo Patri cum Filio,
Sancto simul Paraclito
In sempiterna secula,
Amen.

GRA-



GRATIARUM

Actio.

GRatias ago tibi Illumina-
 tor & liberator meus, *Aug.*
 quoniam illuminasti me, & *sol.*
 cognovite. Serò te cognovi, *6. 33^a*
 veritas antiqua, serò te
 cognovi, veritas æterna.
 Tu eras in lumine, & ego in
 tenebris, & non cognosce-
 bam te: quia illuminari non
 poteram sine te. Gratias quo-
 que tibi pro bonitate tua, quâ
 motus olim misisti Filium
 tuum ad nos, ut optatissimum
 Doctorem, qui depulsis ig- *Blos.*
 norantiæ tenebris veritatem *Parad*
 annuntiaret, & mentes no- *ani.*
 stras agnitione, sanctissimi
 nominis tui illustraret; ut
 piissimum Ducem, qui re-
 ctum iter ostenderet, om-
 nis-

nisque virtutis perfectionem in se demonstraret. Denique ut morum exemplar, vitæ Magistrum, sanctitatis omnis complementum. Jam verò pro talibus tantisque donis tibi, DEUS, quid referam? Equidem neque in Cœlo, neque in terra aliquid invenio, quod vel dignius, vel gratius tibi sit, aut esse possit, quàm unigenitus Filius tuus. Illum ergo Magistrum meum Doctores inter, in templo differentem, in monte docentem, in Urbe conversantem, in pagis ac vicis evangelizantem, ubique verbo & exemplo virtutum præcepta tradentem offero pro tuis in me beneficiis, ac speciatim pro Vocatione mea ad fidem Christianam, atque Catholicam, ad Socie-

cietatem JESU, ad Sacerdotii gradum (*hec & similia pro cuiusque statu, graduque recolenda*) pro exaltatione & gloria SS. Apostolorum Petri & Pauli, & aliorum Sanctorum, qui viventes in carne plantaverunt Ecclesiam sanguine suo, tibi pro nobis meritas gratias agunt.

Suimet Oblatio.

Etego Domine JESU, tibi gratias ago, ne sim ingratus tibi. Nam multa mihi beneficia exhibuisti, quæ non cognovi, donec illuminasti me. Nunc igitur lux animæ meæ, Domine DEUS meus, vita, per quam vivo, lumen oculorum meorum per quod video, en illuminasti me, & cognosco te: quia vivo per te, & gratias ago tibi, licet viles & exiles, & impares bene-

ne-

*Aug.
sol.
c. 18.*

S. Ign. neficiis tuis, quales habet
Exer. mea fragillitas, offero. Su-
Spir. scipe, Domine, universam
 meam libertatem, accipe me-
 moriam, intellectum, atque
 voluntatem omnem, quid-
 quid habeo, vel possideo,
 mihi largitus es, id tibi to-
 tum restituo, ac tuæ prorsus
 trado voluntati gubernan-
 dum, amorem tui solum cum
 gratia tua mihi dones, & di-
 ves sum fatis, nec aliud quid-
 quam ultra posco; sed au-
 sculto vocem tuam. Domine,
 quid me vis facere? (*Et hic au-
 diendus, si quid loquatur, in
 corde Christus*)

Animi Propositum.

Aug. Nunc humilium Doctor,
med. & superbiorum destructor
6. 9. veni. Doce me facere vo-
 luntatem tuam, quia DEUS
 meus

meus es tu, & Spiritus bonus
 deducens me in terram re- *Psal.*
 ctam; veni, inquam, San- *142.*
 ctissime Spiritus, & me ho-
 diè coram te, coram SS. Apo-
 listis, coram hac sapientiæ
 tuæ Mystica Sede, ita statu-
 entem audi. Propono perfe-
 ctæ humilitati atque obedi-
 entiæ me dedere. Decerno
 ex animo tuam in omnibus
 rebus voluntatem quærere,
 spectare gloriam, legem se-
 qui. Statuo denique vitium
 N. fortiter impugnare; nec
 non & virtutem N. pro viri-
 bus exercere, atque ita dein-
 cept vivere, sicut decet mi- *1. cor.*
 nistrum Christi, & dispen- *c. 4.*
 satores mysteriorum DE I.

Tu mihi Dux cæco lu-
 men opemque
 feres.

Septem Petitiones.

O Fidelis Deus, per quem

1. cor. vocati sumus in Societatem

6. 1. Filii tui JESU Christi Domini nostri, ego te per eiusdem à Juda traditi, à Petro ter negati, ab aliis Discipulis derelicti, à Judæis falsò accusati, à Caipha damnati, variisque contumeliis afflicti merita precor & rogo ; fiat

I. voluntas tua sicut in Cœlo & in terra ; ut odiamus, quæ odis ; diligamus quæ diligis, quæ præcipis impleamus. Nam voluntas DEI sanctifi-

II. catio nostra. Davigiles illorum septem Oculorum, qui

Apoc. sunt septem Spiritus missi in

6. 5. omnem terram, Angelique mei Custodis excubias, ut iis ubique directus, certum in rebus dubiis consilium, in obscuris lumen, in angustis

ro-

robur experiar, munusque
meum strenuè, constanter-
que perficiam, Amen.

O DEUS Verbum, qui es
lux, per quem facta est lux; *Aug.*
quies via, veritas & vita: in *sol.*
quo non sunt tenebræ, error, *c. 4.*
vanitas, neque mors. Lux
fine qua tenebræ: via fine
qua error: Veritas fine qua
vanitas: Vita fine qua mors.
Dic Verbum DOMINE, fiat
lux, ut videam lucem, & vi-
tem tenebras: videam viam,
& vitem invium: videam Ve-
ritatem, & vitem vanitatem:
videam vitam, & vitem mor-
tem. Illuminare, Domine,
lux mea, illuminatio mea; il-
luminare huic cæco tuo, qui
in tenebris, & in umbra mor-
tis sedet: & dirige pedes eius
in viam pacis. Da mihi, da
Catholicis Doctores viam
DEI

III. *Rom.*
c. 12. DEI docere in veritate & doctrina; esurientes autem pascere cum charitate. Da Sacerdotibus, & cæteris Ecclesiæ tuæ Ministris Ordinum sacrorum finem, fructumque percipere, Amen.

IV. Te quoque lumen, cor-
dium Sancte Spiritus, Spiritus veritatis, qui doces nos omnia, quæcumque petere debeamus, te inquam, per
Ioan.
c. 14. SS. Apostolorum suffragia precor, & rogo; Expelle à me spiritum superbiæ; DEUS enim superbis resistit. Et
2. petr.
VI. concede propitius thesaurum humilitatis Evangelicæ,
Gal.
c. 6. ut absit mihi gloriari, nisi in Cruce Domini nostri JESU Christi. Da mihi denique donum Sapientiæ; & docebo
VII. iniquos vias tuas.

Hæc

Hæceadem, ô beata Tri- *Psal.*
nitas, à te postulo, pro Sum- *50.*
mo Pontifice. N. pro Anti-
stite nostro, pro cunctis Ec-
clesiæ Prælatiis, atque Pasto-
ribus, pro Clericis, & Re-
ligiosis Ordinibus, ac nomi-
natim pro N. N. ut cum obe-
dientiæ, & humilitatis aug-
mento, tua semper & ubi-
que mandata compleamus,
Amen.

Regina Apostolorum ora
pro nobis & impetra vivis
veniam & gratiam, mori-
bundis opem & viaticum,
defunctis requiem & glo-
riam sempiternam
Amen.



EVCHARISTICI EPULI
RELIQUIÆ

diurnas ad Horas reservatæ:

Mystæ Illuminato

Math. Et tulerunt Reliquias, duodecim:

¶ 14. Cophinos fragmentorum plenos.

S. EVCHARISTIA est.

D. 1. Lumen in Lucerna:

Thom. 1. Mystica Lux cæcâ tegitur cum
opusc. Sole Lucernâ;

¶ 58. Nempe oculis tegitur, cordi-
bus ut pateat.

S. Fr. 2. Sol Sacramentorum.

Sales. 2. Exoriare dies nostris in menti-
ep. bus; ecce:

Sol Sacramentorum pectora:
nostra subit.

D. 3. Caro vehiculum Spi-
ritus Sancti.

Cyr. l. 12. 3. Spiritus alme veni, comitare in
in Joa. pectora Christum;

Te Caro Sancta vehit; Spi-
ritus alme veni.

4. Pa-

4. Pastor & Agnus. D.

4. Corpore si proprio pascit me Pa- Pau-
stor & Agnus. lin. in
Pascenti similis, Pastor & Ephes
Agnus ero.

5. Mensa Sapientiæ. Aug.

5. Desipit is, cui mensa sapit me- l. 6. de
dicata sub auro; Civi.
Mystica Mensa tibi si sapit,
ipse sapis.

6. Cibus veritatis. Basil.

6. Pabula vana cibent alios dul- in
cedine falsâ; Isai.
Me pascit verus nomine,
reque Cibus.

7. Census & divitiæ Ter-
DEI. tul.

7. Spernat avarus opes inventâ Hugo
fœderis Arcâ; Card.
Continet hæc Census, Divi-
tiasque Dei.





AD

EXERCITIUM. IV.

SACRÆ MYSTARUM

Hebdomadæ.

DIES QUARTUS.

Deo. O. M. & SS. Patriarchis

CONSECRATUS.

Quem superius Evchari-
sticum Solem conspe-
ximus, hunc animarum Ig-
nem experimur. Verè DEUS
noster Ignis consumens est,
& oculi Christi velut flamma
ignis, præsertim in Evchari-
stico rogo rutilantis. Ignis
iste, qui DEUS est, inquit
Bernardus in Cant. consumit
quidem, sed non affligit, ar-
det suaviter, desolatur feli-
ci-

Ser.

87.

citer. Est enim verè Carbo desolatorius, sed qui sic in vitia exerceat vim ignis, ut in anima vicem exhibeat unionis. Ad hunc igitur Ignem, ut cum debito fervore accedamus. *Quartum* hoc nobis proponitur *Exercitium* ipso die Jovis obeundum. Est enim feria quinta Sanctissimi Eucharistiæ Sacramenti memoriæ dedicata, & ad hoc specialiter à SS. P. Urbano quarto instituta, atque adeò à B. Magdalena de Pazzis *Dies Amoris* appellata. Alio quoque die præsertim SS. Martyribus consecrato poterit obiri cum affectu amoris & gratitudinis in Christum, qui cum dilexisset suos, in finem dilexit eos: ut scilicet eodem igne succensi, lucrent ipsi quoque & arderent.

E

Nam

ser. de
S. Jo. 1.
Bapt. Nam, ut ait idem Bernard. tantum lucere, vanum; tantum ardere, parum: lucere & ardere perfectum. Et hoc ipsum nobis, in appposito Salamandræ Symbolo luce clariùs elucet.

†
IHS





IN SINAXIM
ANIMÆ AMANTIS
Septenarium distichon.

1. **Q**Uæ nova lux? Quæ flam-
ma rogi? Quis fervor
Amantem,
Excitat? unde mihi mens
calet Igne Sacro?
2. Mens calet Igne Sacro, Sacrâ
quem sumpsit ab ara;
Præbuit Ara Cibus, præbuit
Ara Rogum.
3. Scilicet Ara mihi mensa est; ci-
bus ignis, amorq; Est

*Esi coquus; ô quales condii
iste dapes!*

4. *His mea mens epulis dùm pa-
fcitur, ardet ad aras.
Ardet amore cibi, pascitur
igne rogi.*

5. *Qualis amica rogi, medios Sala-
mandra per ignes,
Pascitur igne cibo: sic ego
pascor eo.*

6. *Ignis amor, cibus ignis, amor
cibus; hæc tria cordis
Sunt alimenta mei; fercula
trina DEI.*

7. *Talia quisquis amat divinæ
fercula Mensæ,
Sit tibi perpetuus fomes a-
moris amor.*

EXEMPLA.

SANCTUS Ignatius M. cuius
cor Eucharistico flagrans
igne, tyrannico comburi non
potuit, de hoc sacro pabulo
sic ait. Ego non comedam
scam

scam corruptionis, neque vo- *Ign.*
 ptates huius mundi deside- *mart.*
 o, sed panem DEI volo, pa- *ep. ad*
 nem cœlestem, panem vitæ, qui *Rom:*
 est caro JESU Christi, & potum
 olo sanguinem eius, qui est
 dilectio incomparabilis, & vi-
 ta æterna. Sanctus quoque Do-
 minicus, Dominicæ Mensæ
 desiderio flagrans, nullam fe- *lib. 3.*
 re aliam cellam, nisi Ecclesiam *vitæ.*
 habebat, ubi postquam anima-
 um lucris institisset, lectioni
 e dabat, & orationi, sic pror-
 us, ut Dilecti sui præsentia
 delectatus, sæpe mentis ex-
 cessum ad elevationem Hostiæ
 pateretur. Quid S. Virgo The-
 resia? Nonne post susceptam
 Eucharistiam, tanto divini a- *In)*
 moris incendio cōflagravit, ut *eius*
 meritò viderit Angelum ignito *vitæ*
 jaculo sibi præcordia transver-
 berantem? Et ad has Amantium
 faces ego non incalescam?



EXERCITIUM IV
ANIMÆ AMANTIS

Ad DEUM & Hominem
JESUM CHRISTUM

Ut Justificatorem, ut Dile-
ctum, ut Convictorem

EVCHARISTICUM
ACCEDENTIS,
Per affectum amoris & gra-
titudinis cordialis.

ANTE MISSAM

EXCITATORIA

Aspiratio.

MATUTINO suscitatus è
somno, mentis oculos
& cordis aures arrige; En-
Dilectus tuus loquitur ani-
mæ tuæ.

Syr.

Surge, inquit, amica mea, spe- *Cant.*
rosa mea, & veni. *c. 2.*

Cui tu sic amicabiliter re-
ponde, & ardenter aspira. *Apo.*

Etiam venio citò, Amen. Veni *c. 2.*

Domine JESU, Amen. Surgam in-
tereà, & quæram te, quem diligit *Cant.*
anima mea. *c. 3.*

INVITATORIA

Consideratio.

Immminente horâ divini My-
sterii *Considerate* te inamabi-
lem vel sine constantia Ami-
cum, vel sine suavitate Con-
vivam, vel sine benevolentia
Fratrem, à Christo tuo Ju-
stificatore fidelissimo, Con-
victore jucundissimo, Dile-
cto beneficentissimo, per
servum suum Joannem, aut
alium de SS. Martyribus u-
num, quem mittat horâ cœ-
næ dicere tibi, ut venias ad

istam, quam facit coenam magnam; non ut amicitiam à te toties violatam dissolvat aut vindicet, sed ut eam novo testatam beneficio confirmet, stabiliatque, peramicis his vocibus invitari.

Cant. *Venite, quia jam parata sunt*
c. 5. *omnia. Comedite amici, & bibite,*
& inebriamini charissimi.

Hinc tu fervidus atque gratus, accumbentem Eucharisticæ Mensæ Christum, benevolis his verbis, aggredere.

INFLAMMATORIUS

Affectus.

prov. 1. **Q**uid Dilecte mi, prop-
c. 31. ter me factus homo;
Pont. quid Dilecte uteri mei, prop-
in ter me factus cibus atque po-
Cant. tus; quid Dilecte votorum
 meorum, ad quem tendunt
 om-

omnia mea desideria ; quid dicam tibi ? Ecce temetipsum nobis immisces, & Corpus tuum in nos contemperas, *Chryf hō. 6 r ad pop Ant.* ut unum quid simus non tantum charitate, sed etiam ipsa re. Fiat, fiat, sicut vis, ô charitas DEUS meus!

2. Anima mea liquefacta est, ut Dilectus meus, locutus est. O Dilecte, qui nos facis languidos, deficio tui memor! ô anima mea, si liquefacta es ad verbum eius, *Lau. Iusti. In. centi. d. am.* quomodo sustines amplexus eius? Aut certè si liquefacta es ad loquelam eius, quomodo præ amore vivis, & non deficis, quando illius Corpore & Sanguine vescetis?

3. Fuit hæc terribilis quidem Judæis facta comminatio ; unusquisque carnes amici sui comedet. Mihi ve-

rò nihil est hoc verbo suavi-
us. Sic enim dixisti, bone
JESU, tuis illis amicis; qui
manducat meam carnem, &
bibit meum sanguinem, in
me manet, & ego in eo. Hoc
autem unum desidero, unum
oro, ut totus uniar tibi, to-
tusque vivam, quoniam tu
es Dilectus meus candidus &
rubicundus, electus ex mil-
libus.

Luc.

c. 11.

4. Amice, commoda mi-
hi tres panes; imò panem
illum unum, qui de Cœlo
descendit. Iste est panis, qui
fatus in Virgine, fermenta-
tus in Cruce, confectus in
Passione, coctus in sepulchri
fornace, in Ecclesiis condi-
tus, illatus altaribus, cœle-
stem cibum quotidie submi-
nistrat. Hic unus abundè
sufficit. Ah Domine JESU!

Petr.

Chryf

S. 67.

sem-

semper da nobis hunc panem.

5. Amico fideli nulla est *Eccl.*
 comparatio. Quid igitur a- *c. 15.*
 mas, ô anima mea, cùm Chri-
 stum non amas? Quis nobis *Ambr*
 amicior quàm Christus, qui *in luc.*
 nobis Corpus suum tradidit?
 O Christe! ô amor meus, Di- *Ign.*
 lecte virium mearum, visce- *Mart*
 rum & præcordiorum meo- *ep. ad*
 rum; utinam diligam te, si- *Rom.*
 cut diligor à te, ut sis Dile-
 ctus meus, sicut ego sum di-
 lectus tuus; utinam fruar te
 in medio cordis mei.

6. Comedite amici, & bi-
 bite, & inebriamini charissi-
 mi. Ita suos Christus urget *Cant.*
 convivas, sed amicos, sed *c. 5.*
 charissimos: amicos quidem *Rich.*
 Eucharistico pascit epulo; *victor*
 charissimos autem plenius
 reficit, & potat, immò abun-

dantiori gratiâ inebriat.
Nunc tu quis, & qualis sis
attende. Siamicus, come-
de; si Dilectus, bibe; si cha-
rissimus, inebriare. Sin mi-
nùs; foris canes, procul hinc
abscedito.

7. Omnes sitientes venite.

Ambr
l. de
Elia
c. 10.

Menſa iſta famis acquiritur
pretio, & poculum iſtud
inebrians ſobrietate. Sacra-
mentorum, ſiti acquiritur &
fame! ô fitis! ô felix ebrie-
tas! ô calix meus inebri-
ans, quàm præcla-
rus es!





IN MISSA.

JACULATORIÆ FACES

Animæ Amantis.

1. *Ad Confessionem.**Cum S. Theresia.*

Peccavi, fateor; sed ô amor!

ô amor! nunquam posthac. *in Vita.*
 Imò posthac aut pati, aut mo-
 ri potiùs, quàm fœdari.

2. *Ad Introitum.**Cum S. August.*

Fuit, heu! fuit tempus quãdo
 te non amavi! væ tempori illi!

3. *Ad Offertorium.**Cum S. Paulo.*

Si quis non amat Dominum
 nostrum JESUM Christum, sit *1 Cor.*
 anathema, Maran Atha. *c. 16.*

4. *Ad Elevationem.**Cum S. Petro.*

Domine, tu scis quia amo te. *Ioan.*
 O amor, ô pondus meum! *c. 21.*

5. Ad

5. *Ad Communionem.**Cum S. Bern.*

Tua JESU Dilectio,
Grata mentis refectio,
Replens sine fastidio,
Dans famem desiderio.

in
ubi.

Qui te gustant, efuriunt,
Qui bibunt, adhuc sitiunt,
Desiderare nesciunt,
Nisi JESUM, quem diligunt.

6. *In Communione.**Cum D. Amante.*

Ecce tu pulcher es, Dilecte
mi, & decorus! quis mihi det
te, Fratrem meum, ut deoscu-
ler te! apprehendam te, & du-
cam in domum animæ meæ.


Cant.
o. 1.
8.

7. *A Communione.**Cum B. Magd. de Pazzis.*

O amor! ô amor! ô amor!
nunquam te desistam vocare
amorem nostrum totum, spẽ
nostram, nostrum totũ! quis
me separabit à charitate tua?

in
eius
vita.

POST



POST MISSAM,

VOX LAUDIS.

*O Charitatis Victimæ,
Quas immolavit ignea
Amor Sacerdos dexterâ,
Sacras ad Aras surgite.*

Adeste Sancti Martyres,
qui sæpe tanquam leones igne
spirantes ab hac mensa recessistis,
facti diabolo terribiles,
audite, & narrabo vobis
quanta fecit DEUS animæ meæ.

*Chryf
ho. 61
ad pop.*

Paravit in conspectu meo
mensam adversus eos, qui tribulant me.

Impinguavit in oleo caput meum,
& calix meus inebrians
quàm præclarus est!

Ps. 22

Et misericordia eius subsequetur me,
omnibus diebus vitæ meæ.

Benedictus Dominus DEUS
Is.

Israël, qui facit mirabilia sol⁹.

Et benedictum Nomen,
Maieſtatis eius in æternum &
P/71 replebitur Maieſtate eius om-
nis terra. *fiat, fiat.*

Accinite, fiat, vos ô beati
Martyres, qui ſtatis ante thro-
Apoc. num, eius, & in conſpectu
c. 7. Agni, amiſti ſtolis albis, &
habentes palmas in manibus
veſtris. *fiat, fiat.*

Clamate mecum unâ voce
ibid. dicentes: Salus DEO noſtro,
qui ſedet ſuper thronum &
Agno. *fiat, fiat.*

Adorate DEUM, dicentes;
ibid. Amen. Benedictio, & claritas,
& ſapientia, & gratiarũ actio,
honor, & virtus, & fortitudo
DEO noſtro in ſæcula ſæcu-
lorum. *fiat, fiat.*

Io ! fiat, accinamus,

Io ! quater repetamus,

Fiat, fiat, fiat, fiat.

GRA-



GRATIARUM

Actio.

BENIGNISSIME, amator ho-
 minum DEUS: tibi gra-
 tias ago, pro tua mira & in-
 enarrabili charitate, quâ nos *Aug. med. c. 14.*
 indignos sic amasti, & salva-
 sti per unicum & Dilectum
 Filium tuum, simul & pro
 Sacrosancto ac vivifico My-
 sterio Corporis & Sanguinis
 eius, quo quotidie in Eccle-
 sia tua pascimur, & potamur,
 & unius summæ divinitatis
 participes efficimur. O ignis,
 qui semper ardes, & nun- *i dem solit. c. 18.*
 quam extingueris! ô amor
 qui semper ferves, & nun-
 quam te pescis! unde mihi
 verbum, ut explicem signa
 dilectionis tuæ maximæ erga
 me, propter innumera
 be-

beneficia tua, quibus à principio educaſti me, & quaſi Filium tuum parvulum, tennellum, uberibus tuæ conſolationis lactaſti, & confortaſti me? Ut enim tibi totus ſervirem, omnia quæcunque feciſti, in meum ſervitium tradidiſti. Pro hac igitur dilectione tua, Dilectum offero tibi Filium tuum, ſuis ipſis manibus diſcipulorum pedes lavantem, S. Evchariſtiæ Sacramentum inſtituentem, nobis in ſui memoriam idem facere præcipientem; illum etiam offero tibi pro beneficio Juſtificationis, quàm à te, Domine, ſperamus, juſtificati gratis per gratiam, tuam, per Redemptionem, quæ eſt in Chriſto JESU, quem propoſuiſti propitiationem per fidem in Sanguine

Rom.
c. 3.

ne ipsius. (*hoc beneficium re-
colis, memor Apostoli dicentis,
nihil mihi conscius sum, sed non in
hoc justificatus sum*) Illum, in-
quam, suscipe, sancte Pater,
pro tanti huius Mysterii fre-
quenter à me suscepti, & aliis
administrati veneratione,
proque exaltatione & gloria
SS. Martyrum tuorum Ste-
phanī, N. N. & aliorum, qui
gloriosum pro te Sanguinem
fuderunt, qui amaverunt
Christum in vita sua, imitati
sunt eum in morte sua, &
nunc tibi gratias pro me refe-
runt immortales.

Suimet Oblatio.

O quam suavis est, Domi-
ne JESU, Spiritus tuus, qui *Imit.*
ut dulcedinem tuam in filios *Cbr.*
demonstrares, Pane suavissi- *l. 4.*
mo de Cælo descendente il- *c. 13,*
los reficere dignaris. O inef-
fa-

fabilis dignatio! ô amor immensus homini singulariter impensus! sed quid retribuam tibi pro gratia ista, pro charitate tam eximia? Non est aliud quod donare queam, quàm ut cor meum tibi Deo meo totaliter tribuam, & intimè jungam. Scis occultorum cognitor DEUS, quoniam Cœlo, terrâ, & omnibus quæ in ea sunt, tu mihi acceptior, tu mihi amabilior es. Diligo enim te super Cœlum & terram, & cætera omnia, quæ in eis sunt. Amo te DEUS meus amore magno, magisque te amare cupio. Atque ut augeatur in me tui desiderium & amor; quæso te, ostende mihi faciem tuam, sonet vox tua in auribus meis: vox enim tua dulcis & facies tua decora.

(Et

*Aug.
med.
c. 25.*

*Cant.
c. 2.*

(*Ethic audiendus in corde Christi-
stus.*)

Animi Propositum.

Jam ô divini Amoris numi-
nis, Patris Omnipotentis,
prolisque beatissimæ sancta
Communicatio! jam cordis
mei penetralibus illabere vir-
tute, atque hoc tibi juran-
dum animi mei Propositum
confirma. Ecce ego coram
te, coram SS. Martyribus
tuis, coram sacro Ferculo,
per quod Christum posside-
mus, divinoque Poculo, quo
fidelium affectus inebriatur.
Propono JESUM Christum
diligere ex toto corde meo,
ex tota anima mea, ex omni-
bus viribus meis. Statuo
constanter hoc Sacramen-
tum Amoris studiosè colere,
celebrare pro viribus, cum
om-

*Aug.
med.
c. 9.*

*Cypr.
de
Evch.
Ambr
in Ps.*

omni reverentia tractare.
 Volo denique vitium N. fortiter impugnare, & virtutem N. diligenter exercere; sed ad hoc præstandum, ô divini Fons amoris, Spiritus,

Me tibi jungat amor,
 Me tuus ignis agat.

Septem Petitiones.

Idio. Domine sancte Pater, qui
c. 8. ex abundantia tuî amoris Filium ad hoc misisti in mundum, ut venditus nos redimeret, occisus vivificaret, injurias passus justificaret; rogo te per eiusdem Filii tui pro nobis ad columnam alligati, flagellis concisi, ad patibulum tracti, fixique merita; Panem nostrum quotidianum da nobis hodie: Panem, inquam, substantialem,
I. sine quo deficimus; pœnitentialem, sine quo delinquimus.

quimus ; doctrinalem sine
quo morimur ; ut tibi sem-
per, & soli vivamus. Da be-
nevolum cœlestium septem
Spirituum, qui in conspe-
ctu throni tui sunt, Angeli-
que Custodis mei studium,
ut eo suaviter incitatus, ve-
ram in rebus prosperis ac læ-
tis humilitatem cordis, mo-
destiam oris, animi lætitiā
conservem, Amen.

II.
Apoc.
c. I.

Absorbeat, ô bone JESU,
mentem meam ignita ac mel-
liflua vīs amoris tui, ut amo-
re amoris tui moriar, qui a-
more amoris mei dignatus es
mori.

S.
Franc.
Assis.

Ego enim sic amo te,
O JESU mi dulcissime,
Non ut in Cœlo salves me,
Aut ne æternū dānes me,
Nec præmii ullius spe ;
Sed sicut tu amāsti me,
Sic amo & amabo te, So-

S.
Franc.
Xav.

Solùm quia Rex meus es,
Et solùm quia DEUS es.

III. Da nobis, amantissime JESU,
peregrinos suscipere cum
charitatis officio, dubiasque
mentes juvare consilio, ut
proximum diligamus opere
& veritate. Da mihi, da cun-
ctis fidelibus tuis ita Corpo-
ris, & Sanguinis tui Myste-
ria venerari, ut redemptionis
tuæ fructum in nobis jugiter
sentiamus, Amen.

Ioan.
epist.
c. 3.

IV.

V.
Iob. 5.

Th.
Gal. 2

VII.
Pf. 18

O fons amoris, fons im-
mensæ dulcedinis, fons vi-
vus, ignis, charitas, & spiri-
talis unctio, te per SS. Mar-
tyrum suffragia precor; au-
fer à me rubiginem invidiæ;
parvulum enim occidit invi-
dia. Da Charitatis Evange-
licæ studium, ut vivam ego,
jam non ego, vivat autem in
me Christus. Da mihi deni-
que

que donum Consilii, ut sint
in omni re Consilium meum
justificationes tuæ.

Hæc eadem, ô beata Trini-
tas, à te postulo pro dilectis
in Christo sociis & amicis
meis. N. N. ut cum fidei, spei,
charitatis augmento, solâ
Domini nostri JESU Christi
dilectione serviamus.

Regina Martyrum ora pro
nobis, & impetra vivis ve-
niam & gratiam, moribun-
dis opem & viaticum, defun-
ctis requiem & gloriam
sempiternam,
Amen.



EVCHARISTICÆ COENÆ
RELIQUIÆ

diurnas ad Horas degustandæ
Mystræ Amanti.

Luc. Et cùm manducâssæt coram eis
sumens Reliquias dedit eis.

S. EVCHARISTIA est ,

Ephr. 1. Ignis immortalis.
de non 1. Immortalis adest ignis, cur fri-
scrut. gidus adstas?
Dei Fervidus hic alitur, frigidus
Nat. hinc moritur.

Bern. 2. Amor amorum.
ser. de 2. Christus amor, sit amoris amor,
Cæn. quo pascit amorem:
domi. Hunc redamo, ut pascar; pa-
sco, ut hunc redamem.

Ter- 3. Cœna DEI.
sull. 3. Cætera Christifera cedant con-
de vivia Cœnæ:
specta Cœna cibât Cœlum, Chri-
stiadumq; Chorum.

4. Esca

4. Esca Sanctorum.

A
de
ned.1. Quisquis in Altari Sanctorum
vesceris Esca,Sanctus eris; Sanctis hæc tria.
datur Esca viris.

5. Pinguis Panis.

idem
ibid.2. Quàm sapit hic panis! quàm
pinguis in ore piorum!Quid mirum? Hic sacer est
Panis; Et ipse DEUS.6. Memoria mirabilium
DEI.Laur.
Iust.5. Quæ miranda DEUS vasto pa-
tescit in orbe,Hæc memoranda Sacro clau-
sit in Orbiculo.

7. Gratia Christi.

Ambr

7. Gratia facta petit meritas pro
munere grates;l. 5. de
Sacr.Eucharis æternas, quas pe-
tit, ipsa refert.



AD

EXERCITIUM. V.

SACRÆ MYSTARUM

Hebdomadæ.

DIES QUINTUS.

DEO. O. M. & SS. Con-
fessoribus

CONSECRATUS.

A Nima Patiens Amantem
 sequitur hoc loco. Nec
 mirum. Quia, sicut habet
 1. 3. aureus de Imitatione Christi
 6. 5. Libellus, sine dolore non
 vivitur in amore. Amoris
 igitur Divini jaculis vulne-
 rato tibi, pie Mysta, *Quin-*
tum hoc proponitur *Exerci-*
tium ipso die, Veneris assu-
 mendum. Sexta, namque
 Petr. fe-
 Dam.
 ep. 14

eria pendentis in Cruce Domini glorioso Sanguine purpurata ad hoc ipsum te vocat, vel certè alius dies, quo fit aliqua mentio SS. Confessorum qui carnem suam cum concupiscentiis crucifixerunt. Ad sacram autem Synaxim sic te parabis, ut cum affectu Compassionis ac Zeli, Christo patienti compatiaris, deque eius vivifica Cruce proficias. Et verò, sicut insitus arbori fissæ ramulus, qualis sequenti Symbolo depingitur, novum in trunco vivendi modum novum ex illius vulnere succum, vigoremque elicit: sic tu Crucifixi doloribus compatiens, Christi Corpore suscepto, sanguineque delibato, renovaberis in Spiritu, reviresces in sensu, jucundaberis

Serm.

9.

in fructu; dicente sic Augu-
stino ; mensa jucunditatis
Passio Christi est, qui se pro
nobis in mensa Crucis obtu-
lit Sacrificium Deo Patri, do-
nans Ecclesiæ suæ Catholicæ
vitale conviviū, Corpore suo
nos satians & inebrians
Sanguine.





IN SYNAXIM
ANIMÆ PATIENTIS
 Septenarium distichon.

1. *V*Ætibi, tristis Amans, in-
 quis, tua pectora meror
 Occupat! heu pateris! væ
 tibi tristis amans!
2. *Sub Cruce Mensa mihi, fateor,*
fit causa doloris ;
Sed dolor iste meus caussa
vigoris erit.
3. *Nam valet hinc mea mens sacro*
nutrita liquore,
Quem trahit è Christi Cor-
pore vulnifero.

4. *Infitus arboreo sic vitam è vul-
nere fugit.*

*Ramulus, & succo fructifi-
cante viget.*

5. *Cruce placet ergo mihi succo
quo pascit amaro;*

*Myrrhà, felle, aloè, men-
vegetata viget.*

6. *Væ tibi, qui tales epulas, ta-
lesq; liquores,*

*Vel malè docte times, ve-
malè sane fugis.*

7. *Nec mihi, nec tibi vae, si Christ.
Passio cordi est:*

*Sinon compatimur, vae tibi,
vaeq; mihi.*

EXEMPLA.

QUàm Christus nobis sub
Sacramento mirabili Pas-
sionis suæ memoriam reli-
quit: eam S. Carolus Boro-
mæus toto cordis affectu cõ-
patiens, tanto cum fructu re-

colebat, ut inde succum eliceret, qui fovendis tot illis, quibus florebat, virtutibus abundè sufficeret. Hunc & amantis & compatientis animi motū, longè ante patefecerat S. Frāciscus, tam Corporis stigmatibus, quàm mentis ardoribus, de quibus ita S. Bonav. Flagrabat, inquit, erga Sacramentum Dominici Corporis *in Vita* fervore omnium medullarū, *c. 9.* stupore admirans permaximo charissimam illam dignationem, & dignantissimam charitatem. Sic & ipsa Francisca Romana cum Evcharistiam susciperet, Christi Domini Passionem contemplabatur tanto mentis ardore, simul & dolore, ut præ illius magnitudine penè confici videretur. O æmulanda Mystis patientibus Exempla.



EXERCITIUM V.
ANIMÆ PATIENTIS

Ad DEUM & Hominem
JESUM CHRISTUM
Ut Redemptorem, ut Medi-
cum, ut Adjutorem.

EVCHARISTICUM
ACCEDENTIS,
Per affectum compassionis
ac zeli salutaris.

ANTE MISSAM

EXCITATORIA

Aspiratio.

EXcussio jam somno Chri-
stum audi sic tecum lo-
quentem.

Luc. Desiderio desideravi hoc Pascha
c. 12 manducare tecū antequam patiar

Ideo

Ideo dico tibi, surge, tolle Crucem tuam & sequere me.

Ad quem tu sic aspirans, cum S. Petro responde.

Domine, tecum paratus sum, & in carcerem, & in mortem ire. *Luc. c. 22*

INVITATORIA

Consideratio.

AD incruentum pergens hodie sacrificium *Considera* te miserum in vinculis Inimici captivum, aut in lectulo doloris Ægrotum, vel in exercitio laboris Operarium, à Christo tuo Redemptore liberalissimo, Medico benevolentissimo, Adjutore fortissimo, per S. Bernardum, aliúmve de S. Confessoribus Patronum, non ad tuorum certè aut ludibrium vinculorum, aut contemp-

tum dolorum, aut incrementum laborum, sed ad paratum illud in Evcharistico seu thesauro, tuæ Redemptionis pretium, seu Calice, tui morbi remedium, seu Panis, debilitatis firmamentum, tibi suppeditet, propinet, ac porrigat, hisce verbis invitari.

Math. 23. *Venite ad me omnes, qui laboratis, & onerati estis, & ego reficiam vos.*

Hæc tu recogitans templum ingredi, ibique Christum, velut in Olivarum monte tibi sanguine sudantem, ita pronus alloquere.

INFLAMMATORIUS

Affectus.

I. **S**ALVATOR hominum
 Christe, respice me.
 Ecce ego memor venerandæ
 Pas-

Passionis tuæ accedo ad Altare tuum licet peccator , ut offeram tibi sacrificium, quod tu instituisti , & offerri præcepisti in commemorationem pro nostra salute. Nunc igitur quoniam Passio tua Sacrificium ipsum est, quod offerimus, fac ut hodie nos de Cruce tua pascamur , qui Corpus tuum hodie manducamus.

Cypr.

lib. 2.

c. 5.

2. Non ego jam à te peto , mi Jesu , ut aquâ sapientiæ me potes , aut spiritalem mihi præbeas aquam , quam Samaritanæ mulieri pollicitus es ; hanc in præsentî postpono. Calicem exposco, quem in Mensa conspicio, tuo sanguine fœcundatum. Hunc ego postulo , hunc habere desidero ; hinc tanquam ex ipso latere tuo nunc haurire concupisco.

Laur.

Instit.

Crys.

5. In

Hetr. 3. In voluntate DEI sancti-
c. 10. ficati sumus per oblationem
 Corporis JESU Christi se-
Cypr. mel Quantò magis per eius-
de dem sæpiùs iteratam suscep-
Cæn. tionem. Per hanc enim fugi-
Dom. mus Domini nostri Sangui-
Ansel. nem, & intra ipsa Redemp-
 toris nostri vulnera figimus
 linguam. Hoc piè ruminet
 anima mea, hoc fugat, hoc
 glutiat cor meum, dum ip-
Ansel. sius Carnem & Sanguinem
 accipit os meum.

4. Eia Domine JESU! cala-
Aug. mitas quàm patior, cogit me
solil. exclamare; ægrotus sum, ad
c. 2. medicum clamo; cæcus sum,
 ad lucem propero; mortuus
 sum, ad vitam suspiro. Tu
 Medicus, tu lux, tu vita.
 JESU Nazarene miserere mei.
 Ecce coram te remedium
 meum. Ecce Corpus tuum,
 sub

sub forma Panis Eucharistici,
quasi sub nebula contentum,
medicina est ab omni nos in-
firmitate præservans.

Alber
t. 1.
c. 4.
d. 3.

5. Tetigit vestimentum
Christi mulier, & curata est
ab infirmitate sua. Miseri nos
qui quotidie Corpus Domini
tractamus, & à nostris vul-
neribus non curamur! non
Christus infirmitatibus, sed
fides ipsa deest. O Fides! ô
infirmitas nostra!

Petr.
Cryf.
S. 34.

6. Vidimus eum, & non
erat aspectus, & desideravi-
mus eum. Quem autem?
JESUM Christum, Cruci-
fixum, Virum dolorum. Imò
virum amorum. Nam per
eius vulnera, patent amoris
viscera. O Vir dolorum! ô
Vir amorum! desidero te! si-
tio te! quis mihi dabit, ut

Isai.
c. 53.


id
hau- *c. 12.*

hauriam & dolores & amores
in gaudio de fontibus Salva-
toris?

7. In asperfione Sangui-
nis JESU Christi gratia vobis
& pax multiplicetur, Amen.

B. Hic ego non peto, ut me
Mag. audias, ô Verbum. Claman-
de tem audi Sanguinem tuum,
Paxxi & salva peccatores. Sanguis
l. 2. iste tuus fit intra nos, fit
c. 51. super nos, fit super
Filios nostros.





IN MISSA

JACULATORIÆ FACIES Animæ Patientis.

1. *Ad Confessionem.*

Cum Ezechia.

Domine, vim patior, re- *Isai.*
sponde pro me; recogitabo *c. 38.*
tibi omnes annos meos in
amaritudine animæ meæ.

2. *Ad Introitum.*

Cum debitore Servo.

Eia, Dñe, patientiam habe in *Math*
me, & omnia reddam tibi! *c. 18.*

3. *Ad Offertorium.*

Cum S. Bonaventura.

O JESU! quis mihi dabit, ut *Incen.*
pro te patiar, ut pro te moriar? *amor.*

4. *Ad Elevationem.*

Cum S. August.

Sis mihi, Domine, semper
fixus in corde, qui pro me fi-
xus es in Cruce.

5. *Ad*

5. *Ad Communionem.**Cum Ecclesiâ Cath.*

In O Sacrum convivium in
Offic. quo Christus sumitur, & re-
SS. SS colitur, memoria Passionis
 eius! ô fructum salutiferum,
 quem nobis gustandum de-
 dit, mortis suæ tempore!

6. *In Communione.**Cum S. Thom. Aq.*

In O memoriale mortis Domi-
Ryth. ni Panis vivus, vitam præstans
Evch. homini! præsta meæ menti
 de te vivere, & te illi semper
 dulce sapere.

7. *A Communione.**Cum S. Ignat. Lojol.*

In Anima Christi sanctifica me;
Exer. Corpus Christi salva me;
Spir. Sanguis Christi inebria me;
 Aqua lateris Christi lava me;
 Passio Christi conforta me;
 Intra tua vulnera absconde me,
 JESU Christe.

POST

POST MISSAM

Vox Laudis.

O vos sancti Confessores,
 Pontifices & Doctores,
 Sacerdotes & Levitæ,
 Cum Monachis Eremitæ,
 Miscete voces Vocibus,
 Augete laudes Laudibus,
 Cantu juvate Canticum.

CAntemus Domino; glo- Exod.
 riosè enim magnificatus 6. 25.
 est; equum & ascensorem
 eius dejecit in Mare.

Fortitudo mea, & laus mea
 Dominus; factus est mihi in
 salutem.

Iste DEUS meus, & glorifi-
 cabo eum: DEUS Patris mei,
 & exaltabo eum.

Dominus quasi Vir pugna-
 tor Omnipotens nomen eius;
 currus Pharaonis & exerci-
 tum eius projecit in mare.

Ele-

Electi principes eius submersi sunt in mari rubro.

Cantemus etiã inquirentes,
*Qualis Princeps, qualis currus,
Quis projectus, quis submersus,
In hoc mari dicitur?*

*Mare rubrum, Christi cruor,
Victus Hostis, Ditis furor;
Hic in illo mergitur.*

Dextera tua, Domine, magnificata est: dextera tua percussit inimicum.

Dux fuisti in misericordia tua, populo quem redemisti.

Et portasti eũ in fortitudine tua, ad habitaculum sanctum tuum, ubi paraſti convivium in dulcedine tua pauperi DEUS.

*Illic tecum epulamur,
Gratulamur, & letamur,
Ob tantam victoriam.*

*Illic semper ut debemus,
Sic reddemus & canemus
Tibi soli gloriam.*

GRA-



GRATIARUM

Actio.

O Immenſa pietas ! ó inestimabilis charitas ! ut liberares ſervum, Filium tradidiſti. DEUS factus eſt homo, ut perditus homo de poſteſtate dæmonum erueretur. O charitas ! ô pietas ! miſiſti Filium tuum in ſimilitudinem carnis peccati, ut de peccato damnaret peccatum, ut nos efficeremur juſtitia tua in ipſo. Ipſe enim verus eſt Agnus immaculatus, qui abſtulit peccata mundi ; qui mortem noſtram moriendo deſtruxit, & vitam reſurgendo reparavit. O pietas ! ô charitas ! quid tibi retribuam ? Ecce ipſummet Filium tuum pendentem in Cruce, afflic-
tum

*Aug.
med.
c. 15.*

Etum undique, morientem
 expirantē offero tibi pro cun-
 ctis tuis erga me Beneficiis,
 ac præsertim pro Redemptione
 mea (*recolendum hoc loco fu-
 sùs tale beneficium*) pro gloria &
 exaltatione SS. Confessorum
 Caroli N. N. & aliorum tibi
 pro me grates agentium. O
 mitissimè Conditor, aspice di-
 lectæ sobolis humanitatem,
 & miserere super infirmi plas-
 matis debilitatem. Candet
 nudum pectus, rubet cruen-
 tum latus, tenfa arent visce-
 ra, decóra languent lumina,
 regia pallent ora, procera ri-
 gent brachia, crura pendent
 marmorea, rigat terebratos
 pedes beati sanguinis unda.
 Specta gloriose Genitor, gra-
 tissimæ prolis lacerata mem-
 bra, & memorare benignus,
 quæ mea est substantia. Con-
 spi-

Aug.
 med.
 6. 6.

picare DEI hominis pœnam,
 & relaxa conditi hominis mi-
 èriam. Vide Redemptoris
 supplicium, & redempti di-
 nitte delictum. Hæc plac-
 io mei, & propitiatio tua.

Suimet Oblatio.

O quantùm sumus tibi de- *Aug.*
 bitores, DOMINE JESU, *med.*
 tanto redempti pretio, tanto *c. 17.*
 salvati dono, tam gloriosi
 adjuti beneficio! tibi nempe
 debemus, omne quod pos-
 sumus, omne quod vivimus,
 omne quod sapimus. Id ve-
 rò totum tibi offero, ut sim
 totustius, quoniam sic esse
 voluisti totus meus. Nec
 certè minùs tibi debeo pro *Laur.*
 Sanguinis poculo, quàm *Iusti-*
 pro Redemptionis pretio. Se- *de*
 mel pro me datum est preti- *Evcha*
 um, sed poculum quotidie
 consecratur. Ideoque dein-
 ceps

ceps me tibi totum impend-
dam, & superimpendar in
salutem animarum, pro qui-
bus Sanguinem dedisti. Ad
hoc simul charitas tua nos
urget, simul & clamant vul-
nera tua, ne frustra sangui-
nem tuum fuderis. Dum au-
tem vox huius sanguinis cla-
mat ad te de ara, fac ut au-
diam ipse, quid loquantur in
me vulnera tua. (*Hic audien-
dus quasi de Cruce loquens Do-
minus.*)

S.
Lut
gard.

Animi Propositum.

Aug.
med.
c. 9.

Veni jam, veni benignissi-
me dolentis animæ consola-
tor, & in opportunitatibus
& in tribulatione adjutor, ve-
ni curator vulnerum, refo-
cillator deficientium, rele-
vator labentium Sanctissime
Spiritus, & me coram te, co-
ram

nam SS. Confessoribus tuis,
 in coram hac Mystica Domini-
 cæ Passionis Hostia sic pro-
 ponentem attende. Decerno
 pro Crucifixi amore Crucem
 meam quotidie æquanimiter
 portare, ipsique pro me pa-
 tientem compati; ut cum eo
 tandem, velut hæres Cruci-
 fixi, merear conglorificari.
 Propono me totum anima-
 rum salutem impendere, nul-
 lam ideò formam respuere,
 omnibus omnia fieri, ut plu-
 res lucrifaciam. Statuo de-
 nique vitium N. fortiter im-
 pugnare, & virtutem N. pro
 viribus exercere. Tu mea
 vis & vera salus.

Cypri.
 de
 Cæn.
 Dom.

Septem Petitiones.

Pater de Cœlis DEUS mi-
 serere mei. Ego te per uni-
 geniti tui pro me opprobriis
 saturati, verberibus attriti,
 G vul-

vulneribus concisi merita,
 per Passionem eius & Cru-
 cem precor ; dimitte nobis
 1. debita nostra, contra tuam
 Maieſtatem, contra proxi-
 mi charitatem, contra no-
 ſtram ſalutem, corde, ore, &
 opere commiſſa ; ſicut & nos
 dimittimus debitoribus no-
 ſtris qui leviter, ignoranter,
 & rarò, nos offenderunt. Da
 N. ſalutiferum ſeptem illorum
 Angelorum, qui habent ſep-
 tem plagas de templo, &
 Apoc. c. 15. phialas ſeptem curandis mē-
 tibus præparatas, Angelique
 mei Cuſtodis auxilium, ut
 eo validè firmatus Chriſtia-
 nam in labore fortitudinem,
 in dolore patientiam, in tri-
 bulatione conſtantiam de-
 monſtrem, Amen.

Aug. FILI REDEMPTOR mundi
 ſol. DEUS miſerere mei. Manus
 c. 2. enim

enim tuæ fecerunt me. Manus, inquam, illæ, quæ clavis affixæ sunt pro me. Opus manuum tuarum ne despicias, vulnera manuum tuarum precor aspicias. Ecce in manibus tuis descripsisti me, lege ipsam scripturam, & salva me. En ad te suspiro creatura tua: Creator es, recrea me. En ad te clamo factura tua: Vita es, vivifica me. En ad te respicio tuum plasma: Plasmator es, restaura me. Da mihi, per afflictæ Matris *III.* intēerata viscera, inimicitias tuâ causâ ferre, captivosque visitare, ut cum apparueris, *Ioan.* habeamus fiduciam, & non *epist.* confundamur à te in adventu tuo. *c. 2.* Da populis infidelibus Judæis ac Barbaris veræ *IV.* fidei lumen agnoscere, Sacrique Baptismatis fructum

G 2 per-

percipere; Hæreticis autem & Schismaticis ad Ecclesiæ Matris gremium redire, ut Catholicam in ea doctrinam recipere, profiterique mereantur, Amen.

7.
1ac.
c. 1.
yl.

2tim.
c. 2.
yll.

sap.
c. 3.

Spiritus sancte DEUS miserere mei, & per SS. Confessorum suffragia exoratus, amove à me furorem iræ. Ira enim Viri justitiam DEI non operatur. Indulge quoque mihi scutum Evangelicæ Patientiæ, ut & omnia sustineam propter Electos, & ipsi salutem consequantur. Da mihi denique donum Sapientiæ, ut ea mecum sit & mecum laboret omni tempore.

Hæc eadem, ô beata Trinitas, à te postulo, promiseris, afflictis, Captivisque Christianis, ac speciatim pro

N. N.

V. N. ut cum augmento patientiæ, cum amore Passionis Dominicæ, cum animæ *Phil.*
zelo, nobis semper vivere Christus sit, & morilucrum.

Regina Confessorum, ora pro nobis & impetra vivis veniam, & gratiam; moribundis opem & viaticum; defunctis requiem & gloriam sempiternam,
Amen.



EVCHARISTICI SACRIFICII
RELIQUIÆ

*diurnas ad Horas preparatæ
Mystæ Patienti.*

Pf. 20 *Sunt Reliquiæ homini pacifico.*

S. EVCHARISTIA est

1. Victimæ Sacerdotii
nostri.

S. Pau 1. *Ite Sacerdotes, quò spectat*
lin. *Gloria vestri,*

ep. 5. *Lansque Sacerdotii, victima*
sacra vocat.

Greg. 2. *Passionis Dominicæ*
b. 37. *Mysterium.*

in. loc 2. *Cum patior, pascor, dat sacrum*
Passio pastum;
Immo sacer pastus, Mystica
Passio fit.

Chryf. 3. *Purpura Domini*
b. ad. *Sanguine tincta.*

Bapt. 3. *Proh dolor! occidit Dominum*
fera pessima JESUM:
Purpura en illius sanguine
tincta rubet. 4. Ho-

4. Holocaustum salutis. *Rup.*

7. *Esi mihi certa salus Holocaustum jure Salutis ,*
Si modò Cor totum ferveat igne Crucis. *l. 6. in Genes*

5. Hostia pro peccatis. *Ambr*

5. *Crimina sunt hostes, quales domat Hostia Christus :* *in luc.*
Hostibus à domitis Hostia nomen habet.

6. Mundi Purgatio. *Greg.*

6. *Dum Sacra sub Calice offertur Purgatio mundi.* *Nazir. or. de Pasch*
Cur ita Mysta jacet? Cur ita sordet humi?

7. Vis & Nervus nostræ salutis. *Chrys. h. 24.*

7. *Deficiant vires; vis sufficit una salutis.* *in cor.*

Hæc reficit mentem, perficit atque meam.

☪ ○ (☪)



AD

EXERCITIUM V.

SACRÆ MYSTARUM

Hebdomadæ.

DIES SEXTUS,

Deo O. M. & SS. Virginibus

CONSECRATUS.

ser.
201.
de
temp.

Quicumque Christi Corpus dignè manducare voluerit, necesse est, ut moriatur præteritis, & vivat futuris, inquit, Augustinus: Ideoque Mystra noster paulò antè Christo compatiens, nunc verò commori desiderans *Sextum* hoc tibi proponit. *Exercitium* vel ipso die, Sabbathi Magnæ Agonizantium Marti consecrato, vel alio quovis die, ubi de SS. Vir-

Pet.
Dam.
ep. 24

Virginibus, de morte, de
Judicio mentio fit, obeun-
dum, idque cum timoris ac
spei vitalis affectu. Quam-
vis enim certa sit atque secura
expectatio promissæ beatitu-
dinis, ubi est participatio
Dominicæ Passionis: Sacras
tamen inter epulas, & trepi-
dare debet ipse, & probare
seipsum homo, ut sic de Pane
illo edat, & de Calice bibat,
perinde quasi mox ab ista cœ-
na moriturus. Et verò suscipi-
mus ibi Christum, Patronum
quidem nostrum, qui nobis Ve-
nerabile Sacramentum reli-
quit in vitæ præfidiū, in mor-
tis antidotū, in peregrinatio-
nis viaticum singulare, sed
& eundem suscipimus & Ju-
dicem, & Vindicem formi-
dandum. Cæterum affectus
ille duplex, non obscurè de-
G 5 pin-

D.
Leo S.
9. de
quad.

pingitur in Emblemate sequenti, ubi posita duas inter fortes Urna sine ancipiti timetur. Quid enim, hâc forte incertius? Quid hoc sine terribilius? Mors est malis, vita bonis.

†
IHS





IN SYNAXIM

ANIMÆ MORIENTIS

Septenarium distichon.

1. **H**Uc simul ad Mensam, simul
huc ad Iudicis Urnam,
Seu victura vocor, seu mor-
ritura citor.
2. Mors & vita mihi disco clau-
duntur eodem;
Vita parata bonis, morsque
parata malis.
3. Hinc spes, inde metus; sic an-
ceps sorte timetur
Urna reo, quoties hanc mo-
vet iste sibi.

4. Sic

4. Sic mea mens horret; sed Virgo
Patrona Clientem

Excitat, & Index spes mea
sola DEUS.

5. Hic latus, illa uber præbet:
mens haurit utrinq^{ue}.

Et lac Virgineum, sangui-
neumq^{ue}, merum.

6. Hinc pascor, renovoq^{ue} meas ad
prælia vires:

Prælia venturam subruitura
necem.

7. Quisquis in extremo pugnas
certamine, vinctus:

Si, quam poscis opem, Virgi-
nis Urna dat it:

EXEMPLA.

HOc affectu motus erga S.
Evcharistiam Bernardus;

serm. in
Cæn.
Dom. nolite, aiebat, irreverenter ac-
cedere, ne vobis in mortem
fiat. DEUS enim est, Vas Ele-
ctionis est, qui minatur judi-
cium non dijudicanti tam
fan-

sanctam carnem. Ipse autem
 accedebat, nunc pavidus à
 Christo Judice, nunc à Patro-
 na Virgine securus. Atque
 ita spem inter & metum pro-
 grediens, susceptum ad su-
 peros iter tum demùm pro-
 sperè confecit, cum ab Urna
 Virginea, sumpto ritè viati-
 co, sortem in morte felicem
 duxit, & quievit in pace. Quid
 S. Philippus Nerus? Is Vir-
 ginitatis flore candidus, Dei-
 paræ servitute nobilis, Evcha-
 ristia cultu celebris, optabi-
 lem vitæ cursum, finemque
 consecutus est, cum die festo
 Corporis Christi, sacris ope-
 ratus, spiritu gaudens, octo-
 genarius obdormivit in Do-
 mino. Quid B. Catharina Se-
 nensis? noñe & Mariæ cliens
 & Evcharistia cultrix ita vi-
 xit, ita obiit in osculo Domi-
 ni?

*In
 horũ
 vita
 ss.*

EXER-



EXERCITIUM VI
ANIMÆ MORIENTIS,

Ad DEUM & Hominem
JESUM CHRISTUM

Ut Electorem, ut Judicem

Ut Comitem

EVCHARISTICUM

ACCEDENTIS,

Per affectum timoris, atque
spei vitalis Patrocicante

MARIÂ.

ANTE MISSAM

EXCITATORIA

Aspiratio.

EXcitatus à somno, qui
mortis imago dicitur, au-
di vocem Angeli, ut olim
cum

cum Elia vitæ pertæso, mortis-
que cupido, sic modò te-
cum colloquentis.

Surge, & comede: grandis enim 3. Reg
tibi restat via. c. 19.

Tuorum deinde novissi-
morum, mortis scilicet ac ju-
dicii memor, sic aspira.

Moriatur anima mea morte num.
Iustorum, & fiant novissima mea c. 2
horum similia!

INVITATORIA

Consideratio.

INstante Communionis
tempore *Considera* te jam
prope deficientem, seu viri-
bus Peregrinum, seu patro-
cinio Clientem, seu gratiâ
Candidatum, à Christo, tuo
in vitæ decursu Comite, in
salutis causa Judice, ad reg-
ni cœlestis gloriam Electore
propitio, per Deiparam Ma-
trem,

trem , aut aliam è SS. Virginitibus Patronam , non ad judicium , aut laqueum , aut gladium , quo se jugulant ij , qui accedunt indignè , sed ad recipiendum cum Evcharistico illo seu Pignore viaticum , seu Chirographo decretum , seu Calculo suffragium , votis omnibus expendendum , talibus hifce verbis invitari.

*Apoc. Ecce venis citò , & merces mea
c. 22. mecum est , reddere unicuique secundum opera sua.*

Hinc spe firmus , metuque
trepidus , pete sacram ædem ,
ibi que tuam apud Judicem
Evcharisticum Patronam ,
ita supplex aggredere
MARIAM.



INFLAMMATORIUS

Affectus.

1. **P**ER te accessum habeamus ad Filium, ô benedicta inventrix gratiæ, genitrix vitæ, Mater salutis, ut per te nos ille suscipiat, ac per te nos suscipiamus illum, qui per te datus est nobis. Noster est ille cibus, noster, potus, spes & salus, & vita nostra. Hunc mihi Virgo Mater, benedictum fructum ventris tui porrige, ut ambulem in fortitudine cibi illius, toto vitæ tempore præsentis pœnitentiæ, usque ad montem DEI, id est, quousque perveniam ad altitudinem securitatis, & ad satietatem gloriæ cœlestis.

*Bern.**Chryf.**Thom.**opus.*

52.

6. 52.

2. Lacta Mater cibum nostrum; cibus noster, Caro Christi

Aug.

Christi : Christi Caro, tua Caro, ô MARIA. O beata prorsus ubera, quæ dum lac tenuæ puerilibus labris infundunt, Angelorum & hominum cibum pascunt. Manat liquor ex uberibus Virginis, & in carnem vertitur Salvatoris. Quis det de carnibus eius, ut faturemur? Quis det de sanguine Matris, ut inebriemur? Sanguinem illum ipsum, quem etiam pro Matre obtulit, de sanguine Matris accepit.

Petr.
Dam.

Emiss.
de nat
Dom.

3. Miserere nostri Domina, miserere nostri, quia multum repleti sumus despectione; dumque saturaris gloriâ Filii tui, dimitte Reliquias parvulis tuis. Tu jam ad mensam Domina, nos sub mensa catelli. Sicut oculi servorum in manibus Domina

Guer.
ser. 4.
de Assumpt

x suæ, ita nos famelici de te
præstolamur alimoniam vi-
æ. Hanc, oro te, nobis elar-
gire, ô clemens, ô pia, ô dul-
cis Virgo Maria.

4. At unde mihi hoc, ut *Luc.*
Mater Domini mei veniat ad *c. 14°*
me, porrigatque mihi Fi-
lium suum, panem vitæ, an-
tidotum mortis, pharmacum *Ign.*
immortalitatis? Nempe ad *ep. 24*
hoc præstat immortalitatis *ad*
alimoniam, ut mortem non *Eph.*
timeamus ipsi nos, quibus *Ambr*
& vita cibus est, & mors in *in Ps.*
osculo Domini pro votis ac
delitiis expectatur. O mors!
ô vitâ! ô salutis osculum in
optato Corporis & sanguinis
JESU Christi poculo deli-
bandum!

5. Qui manducat & bibit *Corin.*
indignè, judicium sibi man- *c. 21.*
ducat & bibit, non dijudicans
Cor-

Chryf. Corpus Domini. Audiamus,
Hom. & horrefcamus. Sanctâ car-
50. in ne fuâ Christus nos impertiri
Math concedit. O nos ftupidos,
 fi non ftupemus! ô ftipites,
 fi non horrefcimus hæc au-
 dientes! etenim non terribile
Bafil. tantum judicium habet is,
de qui in carne & fpiritus iniqui-
Bapt. namento ad Sancta accedit
 indignè, fed & qui otiosè, &
 inutiliter ea edit & bibit.

Io. 12 6. Mulier, ecce, Filius
Cant. tuus, totus quidem defide-
 rabilis, fed judicio terribilis.
 S. Sub hoc enim Sacramento
Tho. Mors eft malis, vita bonis;
 vide parisumptionis, quàm
 fit difpar exitus. A judiciis
 eius quis non timebit? Ve-
 rum tamen fpes mea ab uberi-
 bus Matris meæ, & à vulne-
 ribus fratris mei. Hinc pa-
 fcor, inde lactor, utrinque
 mens

mens inveniet vitam, & hauriet salutem à Domino.

7. Modicæ fidei, quare dubitasti? Delectare in Domino. *Math. c. 14.*
no, & dabit tibi petitiones cordis tui. Age, age mecum, ô anima mea, simul attendamus ad indicium dilectionis, & promissionis Dei. *Aug.* Quales arrhas accepimus? Tenemus Christi mortem, tenemus sanguinem. Si non amaret, talia pignora non daret.





IN MISSA.

JACULATORIÆ FACIES

Animæ Morientis.

1. *Ad Confessionem.**Cum S. Bonavent.*

Iuste Judex ultionis,
 Donum fac remissionis,
 Ante diem rationis.

2. *Ad Introitum.**Cum Iairo.*

Marc Dñe, anima mea in extremis
6. 5. est; veni impone manum su-
 per eam, ut salva sit & vivat.

3. *Ad Offertorium.**Cum S. August.*

Aug. O Dñe JESU, accipe spiritum
 meum, & dona mihi sacro-
 sanctum Corpus tuum.

4. *Ad Elevationem*

Ave verum Corpus natum

EX MARIA Virgine:

phil 2. Cupio dissolvi, & esse tecum

5. *Ad*

5. *Ad Communionem.**Cum Iacob moriente.*

Accede ad me, Domine, & *Gen.*
Da mihi osculum pacis, ante- *c. 27.*
quam moriar. O utinam mo- *Deut*
riar, sicut Moyſes ſervus Do- *c. 34.*
mini jubente Domino, in
osculo Domini.

6. *In Communione.**Cum S. Bernardo.*

O ſi viverem! ô ſi morerer!
inter delitias uberis & lateris!
lateris Chriſti, uberis Mariæ.

Eia latus perforatum
Undâ manans & ſanguîne,
Eſto mihi præguſtatum,
In mortis examine.

7. *A Communione.**Cum S. Simeone.**Luc.*

Nunc dimittis ſervum tu- *c. 6.*
um Domine, ſecundùm ver-
bum tuum in pace. Quidni *Bern.*
dimittatur in pace, qui Chri- *ſer. de*
ſtum Domini habet in pecto- *Parif.*
re.

POST

POST MISSAM.

VOX LAUDIS.

*Chorea sancta Virginum,
Quæ pergis inter lilia,
Christum secuta Virginem,
Huc in meum pectus veni.*

*Ibi latet Sponsus tuus,
Ibi sedet Index meus,
Ibi reo parcit Deus,
Illi canamus gloriam.*

Apoc.
c. 14. **D**emus illi honorem, quia
venit hora iudicii eius.

Psal.
114. Eripuit me de morte, & pe-
des meos de lapsu, ut placeã
corã DEO in lumine viventũ.

ps. 29 Convertit planctũ meum in
gaudiũ mihi, concidit saccum
meũ, & circumdedit me lætitiã.

Psal.
37. Bonum est confidere in illo,
quàm confidere in homine.

Bonum est sperare in Dño,
quam sperare in principibus.

Can-

Cantemus illi Canticum novum
plaudente MARIÂ.

1. *Age Virgo, flecte Cantus,
Age Mater ede plausus
Dignos Unigenito.*
2. *Cœli Decus, turba pura,
Grex Sponsarum, Christi cura
Junge vocem cantico.*
3. *Tali voce captus iram
Ponet iudex, atque miram
Dabit pacem mentibus.*
4. *Pax in vita, pax in morte,
Sors est maior omni sorte,
Quæ datur mortalibus.*
5. *Est hæc, fructus Deo dignus,
Est æternæ vitæ pignus,
Hanc tu nobis impetra.*
6. *Surget inde tibi decus,
Inde nobis spei locus,
Inde Christo gloria.*
7. *Ergo Mater placæ Natum,
Sub hoc pane nobis datum,
Pro via, pro Patria.*
Amen.

*Aug.
f. 157
de
temp.*

H

GRA-



GRATIARUM

Actio.

*Aug.
med.
c. 16.*

GRatias ago labiis, & corde, & omni, quâ valeo, virtute, infinitæ misericordiæ tuæ, Domine DEUS noster, pro cunctis miserationibus tuis, quibus mirabiliter nobis perditis subvenire dignatus es, per eundem Filium tuum Salvatorem, ac recuperatorem nostrum, qui mortuus est propter peccata nostra, & resurrexit propter justificationem nostram; & nunc vivens sine fine, sedet ad dextram tuam, & interpellat pro nobis, & simul tecum miseretur. Ipse quidem constitutus est à te Judex vivorum, & mortuorum; tu verò non judicas quemquam,

quam, sed omne iudicium
tuum dedisti filio tuo. Illum
igitur in afflictæ Matris ocu-
lis passum, mortuumque;
militis lanceâ perfoßum, de
Cruce depositum, in se-
pulchro conditum, tibi Pa-
ter, offero pro cunctis bene-
ficiis tuis, ac præsertim, pro
nostra, quam à te speramus,
Electione (*hoc fusiùs recolend-
um, sed cum timore. Nam judi-
cia Dei abyssus multa*) pro glo-
ria & exaltatione beatissimæ
Virginis MARIÆ, quàm no-
bis optimam Parentem, &
Advocatam tribuere digna-
tus es: Sanctarum item Vir-
ginum Barbaræ N. N. & alia-
rum apud te, Patronarum
mearum. Respice igitur in
faciem Christi tui, & quas
pro indignissimo servo tuo
gratias tibi reddit, benignus

admitte. Quem enim alium dirigam Intercessorem tibi nescio, nisi hunc, qui est propitiatio pro peccatis nostris, ut me, cui propria merita lethalem minantur sententiam, pretiosissimæ ad dexteram tuam confidentis prolis interpellatione placatus, ipse tu restituas ad vitam.

Suimet Oblatio.

Aug. fol. 6. 13. Quid autem retribuam tibi, Domine JESU, pro omnibus beneficiis tuis, quibus pascis me à juventute mea? Fecisti me cum non essem, redemisti cum periissem. Perieram, abieram, in peccatis venundatus eram, reduxisti me de exilio, redemisti de servitio, retraxisti me de supplicio, vocasti me nomine tuo, signasti me Sanguine tuo,

tuo, cibasti corpore tuo, un-
 xisti me oleo tuo, ut à te
 Christo dicerer Christianus.
 Ecce tibi offero, & commen- *Aug.*
 do hodie & omni tempore *med.*
 animam meam, Corpus me- *c. 4^o*
 um, visum, auditum, gu-
 stum, odoratum, & tactum:
 omnes cogitationes meas, af-
 fectiones, locutiones, actio-
 nes: omnia exteriora, sen-
 sum & intellectum memo-
 riam meam, fidem & credu-
 litatem meam, & perseve-
 rantiam meam, in manus po-
 tentiæ tuæ: ut custodias ea
 diebus & noctibus, horis
 atque momentis. Interim
 dum ausculto vocem tuam,
 Domine, jube quod vis, &
 da quod jubes (*hic au-*
diendus in corde tuo
Christus.)

Animi Propositum.

*Aug.
med.
c. 9.*

Spes mea sola DEUS, omnium viventium singulare decus, morientium unica salus, ô Sancte Spiritus, veni. Aptame tibi, & condescende propitius mihi, ut mea tuæ magnitudini exiguitas, roborique tuo mea imbecillitas secundum multitudinem tuarum complaceat miserationum. Ecce coram te, coram Virgine MARIA, Virginumque choro favente, coram hac mensa sanctissima,

*Andr.
Cret.
de dor
Deip.*

panem viaticum gestante, propono maiorem in vita regenda cautelam, in morte recogitanda vigilantiam, in conscientia divino iudicio præparanda diligentiam, in amore Deiparæ cultuque constantiam adhibere. Statuo de-

denique vitium N. fortiter,
impugnare, & virtutem N.
pro meis viribus exercere.
Tu mihi da robur mortis ad
usque diem.

Septem Petitiones.

Protector vitæ meæ, cle-
mentissimæ Pater, in manus
tuas commendo spiritum
meum, & per ultima Filii tui
languentis in Cruce verba,
morientis à te suspiria, se-
pulti pro me viscera, te oro;
ne nos inducas in tentatio-
nem carnis, mundi, diaboli,
tuam gratiam tollendo, tuam
dulcem præsentiam subtra-
hendo, occasionem peccati
permittendo: ut ne unquam
obdormiam in morte, ne
quando dicat inimicus meus:
prævalui adversus eum. Da
vivificam S. Gabrielis Ar-
changelis tui, Virginis Dei-
paræ

paræ Paranymp̃hi, coram te
semper assistentis, Angeliq̃
Custodis mei salutem, ut per
eam optatum in vita solati-
um, in morte viaticum, in
purgatorio refrigerium ob-
tineam, Amen.

*Aug.
med.
c. 1.*

O Domine JESU accipe
spiritum meum: Vita mea sus-
cipe animam meam: Gau-
dium meum attrahe cor me-
um: Dulcis cibus comedam
te, viaticum meum, ut per-
veniam ad te finem meum.

*Aug.
med.
c. 10.*

Concede mihi sic custodire,
& regere, & finire vitam me-
am, ut in pace dormiam, &
in te quiescam. Præsta mihi
in finem, ut me excipiat som-
nus cum requie, requies cum
securitate, securitas in æter-
nitate. Da mihi pro vivis
atque defunctis orare, mor-
tuosq̃ sepelire, da cunctis
fide-

III.

fidelibus in te Domino DEO *IV.*
 suo morientibus, & sacrum
 piè Viaticum sumere, & ex-
 tremæ unctionis fructum
 percipere : Ut hoc gemino *Conc.*
 vitæ, mortisque præsidio *Trid.*
 muniti, fortunatum peregrina-
 tionis nostræ cursum, exi-
 tumque consequamur, Amē.

Te quoque, sanctissime
 spiritus, oro, per SS. Virgi-
 num suffragia; refeca in me
 otiositatem, somnolentiam, *Petr.*
 & pigritiam, ut per bona o- *ep. 2.*
 pera certam meam vocatio- *c. I.*
 nem & electionem faciam.
 Da studium Orationis Evan- *VI.*
 gelicæ, ut orem spiritu, o- *cor.*
 rem & mente; psallam spiri- *c. 14.*
 tu, psallam & mente. Da *vll.*
 mihi denique donum Timo-
 ris Domini, eoque confige
 carnes meas.

A 5

Hæc

Hæc eadem, ô beata Tri-
nitas, à te postulo pro Ago-
nizantibus ac moribundis
Christianis, ac præsertim pro
N. N. ut cum debito timoris
atque spei vitalis augmento,
Num tandem moriatur anima no-
c. 23. stra morte Justorum.

Regina Virginum ora pro
nobis, & impetra vivis ve-
niam & gratiam, moribun-
dis opem & viaticum, defun-
ctis requiem & gloriam
sempiternam,
Amen.



E V C H A R I S T I C Æ M E N S Æ
R E L I Q U I Æ

diurnas ad Horas addictæ
Myſtæ mortem cogitanti.

Benedictæ Reliquiæ tuæ. *Dent.*

S. E V C H A R I S T I A eſt, *c. 28.*

1. Vita, & antidotum
mortis. *Aug.*
Ign.

1. *Quid moror in terris, ubi Mors* *mart.*
ferit undique vitam?

Fallor; in Altari Vita Ne-
cem jugulat.

2. Poculum vitæ ac pacis per
MARIAM exhibitum. *Tetr.*
Dam.

2. *Quis mihi det Calicem Vitæ pa-* *ſer. 2.*
cisq̃ue Beatæ? *de nat*

Virgo MARIA dedit, Virgo
MARIA dabit.

3. Menſa terribilis.

3. *Terribilis me menſa vocat, ſon-* *Chriſ.*
temq̃ue repellit. *ho, 2.*
in.

*In fontem revocat, delitiis-
que replet.*

Chry.
ho. 83
in
Mat.

4. Calix horrore plenus,
4. *Plenus hic est horrore Calix,
quem reprobus haurit;
Plenus amore Calix, quem
bibit ore probus.*

S.
Fran.
Sales.
ep. 34

5. Divinum Epitema.
5. *Contra vim mortis, non est me-
dicamen in hortis:
Sacrum Epitema datur, ne
crimine mens moriatur.*

Bern.
de dig
sacer.

6. Diæta peregrinantium.
6. *Ad Cælum propero: cor deficit
inter eundum;
Maeste, Viatori Sacra Diæ-
ta datur.*

Paul.
lin. in
Vit.
Aug.

7. Viaticum bonum.
7. *Fors tibi restat adhuc via lon-
ga; viaticum ab Ara
Sume Bonum; hoc vires
præsidiumq, feret.*

AD



AD

EXERCITIUM VII.

SACRÆ MYSTARUM

Hebdomadæ.

DIES SEPTIMUS.

DEO. O. M. & SS. Omnibus

CONSECRATUS.

Volumus quidem perve-
 nire ad Regnum DE I;
 sed, per mortem nolumus: *In ps.*
 inquit Augustinus. Quo- ^{30.}
 modo igitur, nisi pervitam?
 Vocant autem punici vitam
 SS. Eucharistiæ Sacramen-
 tum. Atenim, reponit idem
 S. Augustinus, mutet vitam,
 quis quis vult accipere vitam.
 Nam si non mutet vitam, ad *Ibid.*
 iudicium accipiet vitam, &
 ma-

magis ex ipsa corrumpitur ,
quàm sanatur , occiditur ,
quàm vivificatur. Ad hanc
igitur vitam feliciter , asse-
quendam , per affectum
unionis cum DEO , deside-
riumque Paradisi, *Septimum*
hoc nobis proponitur *Exer-*
citium , ipsâ die Dominicâ
perficiendum. Est enim Do-
minica dies DEO Optimo
Maximo & Sanctis omnibus
colendis specialiter dedicata;
est Evcharistiæ , per quam
unimur Christo , frequen-
tandæ præcipuo jure desti-
nata ; est excitando , per hoc
futuræ gloriæ pignus , Para-
disi desiderio præ cæteris ac-
comodata. Aliis quoque
diebus usurpari poterit ad ar-
bitrium Communicantis, ut
cum omnium virtutum ap-
paratu Præmiatorem , ac
Spon-

Sponsum suum J E S U M
Christum devotè suscipiat.
Rem totam illustrat apposi-
tum cordis & annuli, duos
inter magneticos Agnos su-
spensi, & utrinque mi-
rabiliter uniti Sym-
bolum.





IN SYNAXIM
ANIMÆ DEO UNITÆ
Septenarium distichon.

1. **D**ulm mea mens sacro super
ara pascitur Agno,
Hæc ait, æthereo jam lique-
facta cibo.
2. O mihi quis tribuat sociis so-
ciam esse beatis,
Quos DEUS in Cœna jungit
utrinque sua!
4. Sen quibus in terra positus da-
tur Agnus edendus;
Sen quibus in Cœlis Agnus
Esca datur. 4. Ag-

4. *Agnus hic est Superis, nec non
Mortalibus idem,
Sponsus utrinque DEUS, qui
fuit antè Cibus.*
5. *O DEUS! ò Sponsus! mihi
qualia pocula mifces!
O quibus! ò quantis gestio
deliciis!*
6. *Cor salit inde mihi, sponsoq;
unitur & Agno,
Christe tibi junctum san-
guine, carne, fide.*
7. *Non secus ac ferrum magneti
unitur utrinque
Suprà, infrà positum; sicuti
bi jungor ego.*

EXEMPLA.

Talibus ipsa quondam af-
fluens deliciis, incensa
desideriis, constricta vincu-
lis, Sanctorum omnium Re-
gina Mysticum illum Ag-
num appetebat; talibus eum
sæ-


Laur. sæpe, dum vixit, ut pabu-
mez lum; semel cum obiit, ut via-
zel ticum; æternùm cum resur-
 rexit, ut præmium suscepit.

In His etiam motus affectibus
eius S. Benedictus ad Ecclesiam
Vita. deferri voluit, ubi juxta se-
 pulchrum sex ante mortem
 diebus sibi aperiri jussum,
 Evcharistiam sumpsit, & in-
 de cœlestes ad Nuptias ani-
 mam, viâ lampadibus latè
 fulgentibus clarâ, transfe-
 rendam emisit. Denicq̃ S. Bru-
 no de Cella in Cœlum migra-
 turus, Evcharisticâ se fide &
 carne munivit, eaquæ veluti

In
Vita
apud
Syr.

machinâ sublatus, ad meri-
 tam gloriæ sedem, ipsâ die
 Dominicâ conscendit. Tum
 verò primaria illa, de septem,
 quas viderat S. Hugo suos ad
 pedes corruentes stellas, suo
 Stella Cœlo tandem restituta
 est.

EXER-



EXERCITIUM VII.

ANIMÆ DEO UNITÆ

Ad DEUM & Hominem

JESUM CHRISTUM

*Ut Glorificatorem, ut Spon-
sum, ut Præmiatorem*

EVCHARISTICUM

ACCEDENTIS,

Per affectum unionis deifi-
cæ, & Paradisi deside-
rium.

ANTE MISSAM

EXCITATORIA

Aspiratio.

MATUTINO suscitatus è
somno festivam audi
quasi vocem turbæ magnæ de
Cœlo dicentis.

Alle-

Alleluia. Gaudeamus, & exultemus, & demus gloriam DEO, quia venerunt Nuptiae Agni, & uxor eius prae paravit se.

Tum erectis in Caelum oculis, sic lætabundus aspira.

Quàm dilecta tabernacula tua Domine virtutum! concupiscit & deficit anima mea in atria Domini.

INVITATORIA

Consideratio.

VOcatus ad Sacram Synaxim *Considera te*, virum desideriorum, suspirantem hodie ad expetitam sive in hac vita de salutis tuæ hostibus victoriam, sive in æterna felicitate lauream, sive Empyreo super thalamo deficiam Unionem, à Christo tuo munificentissimo Præmiatore, beatissimo Glorifica-

catore, suavissimoque Spon-
so, per unum aliquem de
septem Angelis Parany-
mum, ad Agni Cœlestis
Nuptias deliciis, honore glo-
riâque conspicuas, his voci-
bus invitari.

Et Spiritus, & Sponsa dicunt:
veni. Et qui sitit, veniat: & *Apoç.*
qui vult, accipiat aquam vitæ, *c. 22.*
gratis.

Horum captus desiderio
bonorum, quorum pignus
in Evcharistico seu tholo,
seu throno, seu toro suscep-
turus es, templum ingrede-
re, ibique fervidis cum Chri-
sto colloquiis inflammare.

INFLAMMATORIUS

Affectus.

1. **D**ulcissime, amantissi-
me, benignissime, *Aug.*
charissime, pulcherrime, *med.*
quan- *c. 37.*

quando te videbo ? Quando apparebo ante faciem tuam ? Quando fatiabor de pulchritudine tua ? Certè quidem nihil mihi tam dulce, quàm cum Domino meo esse. Mihi enim adhærere DEO bonum est. Sed quoniam, dum sumus in corpore, peregrinamur à Domino ; da quæso, da mihi saltem donec his fragilibus assisto membris, tibi per Evcharisticum vinculum adhærere. Nam qui tecum sic adhæret, tecum unus spiritus est.

Joan. 2. Si quis sitit, veniat ad
e. 7. me, & bibat. Hæc sunt verba tua, Domine JESU, quæ me desiderantem, sitientem, anhelantem ad te, consolantur & erigunt. Illud enim
Aug. bibere, quid est nisi vivere,
in loc. manducando vitam, bibendo
c. 41.

lo vitam. Et hoc Sacramen-
tum quid est, nisi relictum à *S. Tb.*
e de tua contristatis absentia *opusc.*
solatium? Nunc igitur hoc *57.*
perculo pasceme; hoc pocu-
lo inebria me, hoc solatio
conforta me in vitam æter-
nam.

3. Ut qui sitit, ad aquam;
qui currit, ad metam; qui *ps. 41*
certat, ad victoriam; ita de-
siderat anima mea ad te DEUS:
O Christe desiderium meum, *lai.*
desiderium collum æterno- *c. 18.*
rum, fons vitæ, corona glo-
riæ, & fertum exultationis
meæ. Ad te suspiro, in te
omnia spero, de te autem *Petr.*
quid non expecto? Ah bone *Dam.*
JESU! qui te manducandum
dedisti, quid tuum denegare
poteris in futurum? *Cant.*

4. Sub umbra illius quem
desideraveram sedi, & fru-
ctus *c. 2.*

Etus eius dulcis gutturi meo.
O fructus! ô dulcis fructus!

S. Th. ô vitæ fructus, JESU Christi

opus. Corpus, valens ad destructionem gehennæ, & acquisitionem vitæ æternæ. Fulcite me floribus, stipate me malis, quia huius Evcharistici fructus amore langueo.

Apo. 5. Beati qui ad Cœnam

19. nuptiarum Agni vocati sunt!

sed & ô beata Anima, cui Sponsus ipse Christus, pro amoris pignore, proque fœdere maritali, Corporis & Sanguinis sui Sacramenta concessit, ut non solum Spiritu, verum etiam essent duo in carne una.

Aug. 6. Videbitur DEUS Deorum

in in Sion, in illa Civitate,

Ps. 17. ubi DEUS Panis est, ubi quid-

quid amabas manducare, &


bibere, ipse tibi erit cibus,

ipse

ipse tibi erit potus. Ita quidem spero; sed interea comedam hîc favum cum melle meo, bibam vinum meum cum lacte meo. *Cant. c. 5.*

7. Quæsi vi illum, & non inveni, ô inveniam te desiderium cordis mei; teneam te, amor animæ meæ? Amplectar te sponse cœlestis; possideam te beatitudo sempiterna, possideam te in medio cordis mei. *Cant. c. 3. Aug. sol. c. 2.*





IN MISSA

JACULATORIÆ FACES

Animæ DEO unitæ.

1. *Ad Confessionem.**Cum Ieremia.*

thre. **Memoriâ memor ero pec-**
3. **cati mei, & in me tabescet**
anima mea.

2. *Ad Introitum.**Cum S. Ioan.*

Apoc. **Beati qui lavant stolas suas**
6. 22. **in sanguine Agni, ut per por-**
tas intrent in Civitatem.

3. *Ad Offertorium.**Cum S. Cæcilia.*

in **Fiat, ô Domine, fiat cor me-**
Offic. **um & corpus meum immacu-**
latum, ut non confundar.

4. *Ad Elevationem.**Cum Sephora.*

Exod. **Sponsus sanguinum tu mi-**
4. **hies. Sponsabo te mihi in æ-**
ternum.

5. *Ad*

5. *Ad Communionem.**Cum Sponsa divina.*

Osculetur me osculo oris
sui; quia meliora sunt ubera
tua vino, fragrantia unguen- *Cant.*
tis optimis. Exultabimus, *c. i.*
& lætabimur in te memores
uberum tuorum super vi-
num.

6. *In Communione.**Cum S. Bernard.*

Quod quæfivi, jam video; *in*
Quod concupivi teneo; *Iubi-*
Amore JESU langueo, *lo.*
Et corde totus ardeo.

7. *A Communione.**Cum S. Thom. Aq.*

O qui cuncta scis & vales,
Qui nos pascis hîc mortales, *in*
Tuos JESU commensales, *Ryth.*
Cohæredes, & sodales *Euch.*
Fac Sanctorum civium.
Amen.

POST MISSAM

VOX LAUDIS.

O nupta sorte prosperâ

Cœlestis Urbs Jerusalem.

Regina formosissima,

Christo jugata Principi.

Dum nuptiali Cœlitum

Semper resultas carmine,

Deniq; Trinum & unicum

Jugi canore prædicas;

Misce tuis concentibus

Quas ore voces fundimus;

Canendo jungemur tibi,

Alma Sionis Æmuli.

Dicamus pariter : Gloria
 Patri, qui creavit nos;
 Gloria Filio qui redemit nos;
 Gloria Spiritui Sancto, qui
 sanctificavit nos. Gloria
 summæ Trinitati, cuius ope-
 ra inseparabilia sunt, cuius
 imperium sine fine manet.

Sine fine perge Sion

intonare Cantica;

Ag-

Aug.

med.

c. 33.


Magni Cœnam, lectum, Sponsam,
 Nuptiasq; persona,
 Tali sono gaudet Cives
 utrinsq; patriæ,
 Atque cum Angelis sanctæ
 recreantur animæ.
 Fœlix ego, si post istud
 probatus exilium,
 Tali consequi merebor
 sine fine gaudium.
 Sic me interim solabor, &
 canam.

Quocunque loco fuero,
 Mecum JESUM desidero,
 Quàm lætus cum invenero!
 Quàm felix cum tenuero!

S.
 Bern.

Tunc amplexus, tunc oscula,
 Quæ vincunt mellis pocula,
 Et laeta Regum fercula,
 Sed in his parva morula;

Donec aspiret dies æternita- Cant.
 tis, & inclinentur umbræ sæ- c. 4.
 culi, O sæculum velut umbra
 fuge; Æternitati cede.



GRATIARUM

Actio.

Aug. **G**ratias ago tibi, Pater Æ-
med. terne DEUS, pro Re-
 surrectione Filii tui, pro
 Ascensione eius in Cœlum,
 & sede, Maieſtatis eius ad
 dexteram tuam. Ipse nam-
 que humanam, non Angeli-
 cam ſuſcipiens naturam, &
 eam ſtolâ ſanctæ Refurre-
 ctionis & immortalitatis glo-
 rificans, vexit ſuper omnes
 Cœlos, ſuper omnes choros
 Angelorum, ſuper Cheru-
 bim & Seraphim, collocans
 ad dexteram tuam. Hanc
 autem laudant Angeli, ado-
 rant Dominationes, & om-
 nes Virtutes Cœlorum tre-
 munt ſuper ſe hominem
 DEUM. Hæc nempe mihi
 to-

tota est spes, omnisque fiducia. Est enim in ipso JESU Christo Domino nostro unicuiusque nostrum portio, caro & sanguis. Ubi ergo portio mea regnat, ibi me regnare credo. Ubi caro mea glorificatur, ibi gloriosum me esse cognosco. Ubi sanguis meus dominatur, ibi dominari me sentio. Quamvis enim peccator sim, de hac Communionem gratiæ non diffido; & si delicta mea me excludunt, naturæ communio non repellit. Habemus enim sanguinis prærogativam in ipso. Illum igitur in Cœlis regnantem, Sanctorum agmina glorificantem, æternæ beatitudinis sedes disponentem, offero divinæ Maiestati tuæ, pro cunctis erga me beneficiis tuis, ac

nominatim pro Glorificatione, quàm à te per JESU Christi gratiam expectamus, (*fu-*

Bern. *sius hæc recolenda felicitas, cuius hæc est mensura, quæ est sine men-*

Aug. *sura. Quod enim expectamus à DEO, non est nisi DEUS) pro gloria & exaltatione Sanctorum omnium in cœlesti tecum patria regnantium, ac pro me grates agentium.*

Suimet Oblatio.

Aug. med. c. 15. Sed quid tibi retribuere possumus, DEUS noster, pro tantis beneficiis misericordiæ tuæ? Quales laudes, quasvè gratiarum actiones? Etiam si illa beatorum Angelorum, scientia nobis foret, nihil tamen dignum tantæ pietati ac bonitati tuæ recompensare valeremus. Si certè omnia membra nostra verterentur in linguas, ad rependendum tibi

tibi debitas laudes, nequaquam sufficeret exiguitas nostra: Supereminet enim omnem scientiam inæstimabilis charitas, quàm ostendisti nobis indignis, pro sola bonitate, ac pietate tua. Quoniam igitur nihil melius occurrit, offero tibi laudes & hymnos, gloriam & honorem, decus & cantica, quæ tibi sancti & humiles corde, quæ tibi spiritus & animæ iustorum, quæ tibi omnes superni cives, & cuncti Beatorum Spirituum ordines suppliciter adorantes concinunt sine fine. Has inter voces fac me, Domine, audire vocem tuam non foris sonantem, sed intus loquentem (*Audiendus hoc loco Christus.*) *Imit. Christi*
Nam ut ait Gerson; Beata anima,
quæ Dominum in se loquentem au-
dit,

dit, & de ore eius, consolationis verbum accipit. Beatæ aures, quæ venas divini susurri suscipiunt.

Animi Propositum.

Tu autem ô Sancte Spiritus, dulcis hospes animæ, faucia interioris hominis arcanæ, tui amoris jaculo, & tepentis jecoris medullas flammis salutaribus accende, sanctique fervoris igne illustrando mentis & corporis universa depasce. Pota me torrente voluptatis tuæ, ut nihil jam mundanorum degustare libeat venenatæ dulcedinis. Interim coram te, coram universa Cœli Curia, coram hoc sacrosancto Mysteriorum Thalamo, ad consummandas Christi nuptias adornato, firmiter propono

ter-

Aug.
med.
c. 9.

Greg.
Nyss.
in
Cant.

terrena despiciere, & amare
cœlestia, quatenus adhæream
semper & unice DEO meo,
Sponso meo, JESU meo.
Volo denique ac statuo vi-
tium N. fortiter impugnare,
& virtutem N. pro viribus
exercere. Tu merito pal-
mam dabis, imponesque co-
ronam.

Septem Petitiones.

O DEUS vera & summa
vita, à quo, per quem & in *Aug.*
quo vivunt omnia, quæcun- *med.*
que verè & beatè vivunt; ego *c. 32.*
te per unigeniti Filii tui, unà
tecum & Spiritu Sancto in
cœlesti regno triumphantis
merita precor; libera nos à *I.*
malo præterito, præsentis &
futuro, ut ad eum, quò ten-
dimus, æternæ beatitudinis
portum feliciter pervenia-
mus. Da mihi perpetuum *II.*

Apoc.
c. 8. SS. septem Angelorum, qui-
bus in conspectu tuo semper
astantibus datæ sunt septem
tubæ canendis Agni laudibus
destinatæ, Angeliq̃ue mei
Tutelarîs consortium, ut
unà cum tuis in Cœlo famu-
lis gloriam, societatemq̃ue
merear sempiternam, Amen.

Aug.
med.
c. 15. Te consubstantialem Patri
Filium, per Ingenitum Pa-
trem oro; da mihi, ut amem
te semper, quantum volo,
& quantum debeo, ut tu so-
lus sis tota intentio mea, &
omnis meditatio mea. Te
mediter per dies sine cessatio-
ne, te sentiam per soporem, in
nocte te alloquatur spiritus
meus, tecum fabuletur mens
mea. Lumine sanctæ visio-
nis tuæ illustretur cor meum,
ut te rectore, te duce ambu-
lem de virtute in virtutem,
tan-

tandemque videam te DEUM
Deorum in Sion. Da mihi *III.*
posse consolari eos, qui in *2. cor.*
omni pressura sunt, potum- *c. 1.*
que sitientibus dare, propter
te, qui sitienti mihi das toties *Apoc.*
de fonte aquæ vitæ, gratis. *c. 21.*
Da conjugatis sanctimo- *IV.*
niam, DEO dicatis conti-
nentiam, cæteris Christianis
integram castitatem, Amen.

Ad extremum, ô vivificans
& Sancte Spiritus, te per ego
Patrem & Filium, perque
Sanctorum omnium suffra- *V.*
gia precor. Extingue in me *Aug.*
desideria carnis, & accende *VI.*
ignem tui amoris. Da Ca- *1. cor.*
stitatis Evangelicæ studium, *c. 9.*
ut castigem corpus meum, *VII.*
& in servitutem redigam. Da *Tit.*
mihi denique donum Pieta- *c. 2.*
tis, ut piè vivens in hoc sæ-
culo, regnare merear in fu-
turo, Amen. Hæc

Hæc eadem, ô beata Trinitas, à te postulo, pro universis Evcharistiæ Cultoribus, ac nominatim pro N. N. ut cum debito bonorum omnium incremento *Sacrum* consecuti *Septenarium*, vitam quoque consequamur æternam, Amen.

Regina Sanctorum omnium ora pro nobis & impetra vivis veniam, & gratiam; moribundis opem & viaticum; defunctis requiem & gloriam sempiternam,
Amen.



EVCHARISTICI AGNI

RELIQUIÆ

diurnas ad Horas destinatæ

Mystæ Unitio DEO.

Reliquiæ cogitationis diem festum *Psalm.*
agent tibi. 75.


S. EVCHARISTIA est.

1. Salus animarum. *Dyô.*1. Si tibi cura salus, Mensam hanc *c. 1.*
curare memento: *Hier.**Mystica Mensa Deus, My-*
*stica Mensa salus.*2. Portio vitæ æternæ. *Cypr.*2. Si datur exulibus divinæ por- *ser. de*
tio vitæ, *Euch**Regni Consortes portio*
*quanta manet?*3. Thalamus Christi. *Greg.*3. Christus adest recubatq; thoro; *Nyfl.*
thorus Evcharis ad se. *in can**Te vocat & Sponsus: Spon-*
sa parata veni.

4. Arr-

- S.
in Off
Corp.
Chr. 4. Arrha seu pignus fu-
turæ gloriæ.
4. *Ius dedit ad Cælum, qui Cæli
tradidit Arrham:
Arrham hanc Ara dedit;
Ius dedit ergo mihi.*
- S.
Opta.
l. 6. 5. Spes Resurrectionis.
5. *Spes alit Agricolas, alit &
mespesq; fidesq;:
Spes innixa DEO, sanguine
pacta fides.*
- S. Ign.
Mart 6. Moneta Christi.
6. *Quæ tibi pro merito merces op-
tandæ labore est;
Hanc tibi dat Christi sacra
moneta pio:*
- S.
Bern.
de
Aq. 7. Totius boni plenitudo.
7. *Eucharis hand tantum Cibus
est, Fons, Lumen, & Ignis.
Victima, Vita, Salus; Eu-
charis omne bonum est.*





OFFICIUM

PARVUM

SS.

SACRAMENTI

Septenas in Horas
distinctum.

Septies in die laudem dixi tibi.
Psal. 118.

ORATIO PRÆPARATORIA

Ante Officium dicenda.

OREMUS.

COncede, quæsumus, Omnipotens DEUS, ut & sacri perceptio Sacramenti continua in nostris mentibus perseveret, & per hoc piæ devotionis Officium, ad coelestem gloriam transeamus. Per Christum Dominum nostrum, Amen.

AD

AD MATUTINUM.

Laudetur Sanctissimum
Evcharistiæ Sacramentum.

Domine labia mea aperies.
Et os meum annuncia-
bit laudem tuam.

Deus in adiutorium meum
intende.

Domine ad adjuvandum
me festina.

Gloria Patri & Filio, &
Spiritui sancto.

Sicut erat in principio, &c.

HYMNUS.

Sacris solemniis juncta sint
gaudia,
Et ex præcordiis sonent præ-
conia,

Recedant vetera, nova sint
omnia,

Corda, voces & opera.

Antiphona.

O Quàm suavis est, Domine, Spiritus tuus! qui ut dulcedinem tuam in filios demonstrares, Pane suavissimo, de Cælo præstito, esurientes reple bonis, fastidiosos divites dimittens inanes.

ψ. Panem Cæli dedit eis.

℞. Panem Angelorum manducavit homo.

O REMUS.

DEUS, qui nobis sub Sacramento mirabili, passionis tuæ memoriam reliquisti: tribue quæsumus, ita nos Corporis & Sanguinis tui sacra Mysteria venerari, ut Redemptionis tuæ fructum in nobis jugiter sentiamus. Qui vivis & regnas cum DEO Patre in unitate Spiritus sancti DEUS. Per omnia sæcula sæculorum, Amen.

AD

AD PRIMAM.

Laudetur sanctissimum
Evcharistiæ Sacramentum.

DEUS in adjutorium meū
intende. &c. pag. 210.

HYMNUS.

NOCTIS recolitur cœna no-
vissima

Quâ Christus creditur Ag-
num & azyma

Dedisse fratribus, juxta le-
gitima

Priscis indulta Patribus.

Antiphona.

Pluguus est panis Christi,
præbebit delicias Regibus.
v. Cibavit eos ex adipe fru-
menti.

Et de petra, melle satura-
vit eos.

O REMUS.

DEUS qui nobis sub Sacra-
mento mirabili, &c pag. 211:

AD

AD TERTIAM.

Laudetur sanctissimum Eucharistiæ Sacramentum.

DEUS in adjutorium, &c.
Domine ad, &c. p. 210.

HYMNUS.

Post Agnum typicum ex-
pletis epulis,
Corpus Dominicum datum
discipulis
Sic totum omnibus quod to-
tum singulis
Eius fatemur manibus.

Antiphona.

Sapientia ædificavit, sibi
domum, miscuit vinum,
& posuit mensam.

℣. Educas panem de terra.

℞. Et vinum lætificat cor ho-
minis.

OREMUS.

DEUS qui nobis sub Sacra-
mento mirabili &c. pag. 211.

AD

A D S E X T A M.

Laudetur sanctissimum Eucharistiæ Sacramentum.

DEus in Adjutorium, &c.
Gloria Patri, &c. p. 210.

H Y M N U S.

Dedit fragilibus Corporis
ferculum

Dedit & tristibus sanguinis
poculum,

Dicens accipite, quod trado
vasculum,

Omnes ex eo bibite.

Antiphona.

Qui manducat meam carnẽ
& bibit meum Sanguinẽ,
in me manet, & ego in eo.
Ꝙ. Panẽ de cœlo præstitisti eis.
Ꝟ. Omne delectamentum in
se habentem.

O R E M U S.

DEUS qui nobis sub Sacramento mirabili, &c. pag. 211.

AD

AD NONAM.

Laudetur sanctissimum Eucharistiæ Sacramentum.

DEUS in adiutorium, &c.

HYMNUS.

SIC Sacrificium istud instituit

Cuius Officium comitti voluit

Solis Presbyteris, quibus sic congruit

Ut sumant & dent cæteris.

Antiphona.

O Sacrum convivium in quo Christus sumitur, recolitur memoria Passionis eius, mens impletur gratiâ, & futuræ gloriæ nobis pignus datur.

ψ. Paratur nobis Mensa Dñi.

℞. Adversus eos qui tribulant nos.

O REMUS.

DEUS qui nobis, &c. p. 211.

AD

AD VESPERAS.

Laudetur sanctissimum Eucharistiæ Sacramentum.

DEUS in adiutorium, &c.
Gloria Patri, &c. p. 210.

HYMNUS.

PANIS Angelicus fit panis
hominum,

Dat panis Cælicus figuris terminum,

O res mirabilis! manducat
Dominum

Pauper servus & humilis.

Antiphona.

HIC est Panis de Cælo descendens, ut si quis ex ipso manducet, non moriatur.

✠. Posuit fines suos pacem.

✠. Et adipe frumenti satiat te.

O REMUS.

DEUS qui nobis sub Sacramento mirabili, &c. pag. 211.

AD

A D COMPLETORIUM.

Laudetur sanctissimum Eucharistiæ Sacramentum.

CONverte nos DEUS salutaris noster.

Et averte iram tuam à nobis.

DEUS in adjutorium, &c.

H Y M N U S.

TE trina Deitas, unaque
poscimus,

Sic nos tu visita, sicut te co-
limus

Per tuas semitas, duc nos
quo tendimus

Ad lucem quam inhabitas,

Antiphona.

E Go sum panis vivus, qui
de Cœlo descendi: Si
quis manducaverit ex hoc
pane vivet in æternum.

℣. Vincenti dabo manna ab-
sconditum. ℞. Et nomen no-
vum. CREM. DEUS qui, &c.

K

COM-

COMMENDATIO
post Officium
recitanda.

HAs Horas sic recolo piâ
ratione,
Tibi, Corpus Domini, ut
Confessione,
Contritus, & præviâ satisfac-
tione,
Valeam te sumere cum de-
votione, Amen.

OREMUS.

COncede, quæsumus, Om-
nipotens DEUS, ut & sa-
criperceptio Sacramenti con-
tinua in nostris mentibus
perseveret, & per hoc piæ de-
votionis Officium ad cœle-
stem gloriam, transeamus.

Per Christum, Domi-
num nostrum,
Amen.



LITANIÆ

SS.

SACRAMENTI.

K Yrie eleison.
Christe eleison.

Kyrie eleison.

Christe audi nos.

Christe exaudi nos.

Pater de Cœlis DEUS, Miferere nobis.

Fili Redemptor mundi DEUS, Miferere nobis.

Spiritus sancte DEUS, Miferere nobis.

Sancta Trinitas unus DEUS, Miferere nobis.

Panis vivus, qui de Cœlo descendisti, Miferere nobis.

DEUS absconditus & Salvator, Miferere nobis.

Sacramentum, Electo-
rum,

Vinum germinans Virgi-
nes,

Panis pinguis & delitiæ
Regum,

Juge Sacrificium,

Oblatio munda,

Agnus absq̃ macula,

Mensa purissima,

Angelorum esca,

Manna absconditum,

Memoria mirabilium,

DEI,

Panis supersubstantialis,

Verbum caro factum,

Habitans in nobis,

Hostia sancta,

Calix benedictionis,

Mysterium Fidei,

Præcelsum & Venerabile

Sacramentum,

Sacrificium omnium san-

ctissimum,

Miserere nobis.

Ve-

Verè propitiatorium pro
vivis & defunctis,
Cœleste antidotum quo à
peccatis præserva-
mur,
Stupendum supra omnia
Miraculum,
Sanctissima, Dominicæ
Passionis commemora-
tio.
Donū transcendens om-
nem plenitudinem.
Memoriale, præcipuum
divini amoris,
Divinæ affluentia largita-
tis,
Sacro sanctum & augu-
stissimum Mysterium,
Pharmacum immortali-
tatis,
Tremendum ac vivificum
Sacramentum,
Panis omnipotentia Ver-
bi caro factus,

Miserere nobis.

Incruentum Sacrificium,
Cibus & conviva,
Dulcissimum convivium,
cui Assistunt Angeli
ministrantes,

Sacramentum pietatis,
Vinculum charitatis,
Offerens & oblatio,
Spiritualis dulcedo in
proprio fonte degu-
stata,

Refectio animarum san-
ctarum,

Viaticum in Domino mo-
rientium,

Pignus futuræ gloriæ,

Propitius esto, parce nobis
Domine.

Propitius esto, exaudi nos
Domine.

Ab omni malo, Libera nos
Domine.

Ab indigna Corporis & San-
guinis tui susceptione, Li-
bera nos Dñe.

Miserere nobis.

A

A concupiscentia carnis,
A concupiscentia oculorum.

A superbia vitæ,
A peccandi occasione,
Per desiderium illud, quo
hoc Pascha cum discipulis
manducare desiderasti,

Per summam humilitatem
quâ discipulorum
pedes lavisti,

Per ardentissimam charitatem
quâ hoc divinum
Sacramentum instituisti,

Per Sanguinem tuum,
pretiosum quem nobis
in altari reliquisti,

Per quinque Vulnera
huius tui Corporis sacratissimi,
quæ pro nobis suscepisti,

Libera nos Domine.

Pec-

Peccatores, Te rogamus audire nos.

Ut nobis fidem, reverentiam, & devotionem huius admirabilis Sacramenti augere, & conservare digneris.

Ut ad frequentem usum Eucharistiæ per veram peccatorum Confessionem nos perducere digneris.

Ut nos ab omni hæresi, perfidia, & cordis cæcitate liberare digneris.

Ut sanctissimi huius Sacramenti pretiosos ac cœlestes fructus nobis impertiri digneris,

Ut in hora mortis cœlesti viatico nos confortare, & munire digneris,

Te rogamus audire nos.

Ag.

Agnus DEI qui tollis peccata
Mundi, Parce nobis Do-
mine.

Agnus DEI qui tollis peccata
Mundi, Exaudi nos Do-
mine.

Agnus DEI qui tollis peccata
Mundi, Miserere nobis.

Christe audi nos,
Christe exaudi nos.

Kyrie eleison. Christe elei-
son. Kyrie eleison.

Pater noster, &c.

OREMUS.

DEUS, qui nobis sub Sa-
cramento mirabili, pas-
sionis tuæ memoriam reli-
quisti, tribue quæsumus, ita
nos corporis & sanguinis tui
sacra mysteria venerari, ut
redemptionis tuæ fructum in
nobis jugiter sentiamus.

Qui vivis & regnas
&c.

A D

AD CHRISTUM JESUM
Servi humilis

P E R O R A T I O.

l. 4. c. 11. de Imit. Chr.

ADjuvet nos gratia tua,
Omnipotens DEUS, ut
qui Officium Sacerdotale suscepimus, dignè ac devotè tibi in omni puritate & conscientia bona æmulari valeamus. Et si non possumus in tanta innocentia vitæ conversari, ut debemus; concede nobis tamen dignè flere mala, quæ gessimus, & in Spiritu humilitatis, ac bonæ voluntatis proposito, tibi ferventiùs de cætero deservire, Ideoque Domine JESU,

Datis fidelibus,

In te confidentibus,

SACRUM SEPTENARIUM.

FINIS.

